

## Sector artistico ta cuestiona si UNOCA ta cumpliendo cu su proposito



Pagina 3

- **Cifra di desempleo di hende muhe na Aruba a baha den 2022**

Pagina 2

- **Durante control di trafico, persona sin rijbewijs tambe tabata indocumenta**

Pagina 15

- **'Caribbean Gulden' lo ta cla den di dos mita di 2024**

Pagina 9

## Stop The Violence ta introduci proyecto pa combati violencia entre hobennan



Pagina 13



Venezuela y islanan den Caribe  
Hulandes ta prepara pa reapertura di  
fronteranan

Pagina 11

Hulanda ta confirma cu lo limita mas  
exportacion ASML pa China



Pagina 9



## Cifra di desempleo di hende muhe na Aruba a baha den 2022

**Ayera 8 di maart nos a celebra e Dia Internacional di Hende Muhe, un dia dedica na celebra e logronan den diferente aspecto di bida di tur hende muhe rond mundo. Aunke awendia mundo a vavansa y diferencianan entre hende muhe y hende homber a ser reduci durante añanan, ainda tin diferencianan y desigualdad cu muhenan ta bringa contra dje, entre otro den e ambito laboral.**

Un di e desigualdadnan entre homber y muhe cu ainda e muhenan ta bringa pa elimina ta e desigualdad di pago. Segun ONU Women, ariba nivel mundial hende muhe ta gana solamente 77 cent pa cada dollar cu un homber ta gana y e desigualdad ta ainda mas grandi ora cu ta trata di hende muhe cu yiu. Esaki ta un causa fundamental pa loke ta trata ingreso.

Datosnan ta demostra cu di e poblacion mundial cu ta den edad pa traha y cu ta forma parti di e comunidad activo 49.6% ta hende muhe, compara cu e 76.1% di hende homber. Aunke miyones di hende muhe den e ultimo decada a logra haya trabouna paga, danki na globalizacion, e cifranan aki tin un diferencia grandi cu te cu actualidad organisacionnan dedica na derechonan di hende muhe ta bringa pa reduci of elimina.

Hende muhe ta representa e mita di e forza di mundo, y pa nan por haci uso di e frosa aki nan mester tin acceso na trabou decente, cu ta wordo paga y di bon calidad. Tambe tin mester di politica- y regulacionnan cu ta yuda combat e desigualdad di genero.

Pa loke ta e tema di maternidad y paternidad (zwangerschapverlof) rond mundo, solamente 63 pais ta cumpli cu e normanan estabelci pa e Organizacion Mundial di Trabou, cu ta indica cu e mannan mester disfruta di por lo menos 14 siman di maternidad (zwangerschapverlof) cu ta retribui.

A pesar cu diferente pais a adopta algun tipo di licencia of politica pa esaki, apenas 28% di e forza laboral femenino rond mundo ta disfruta di algun tipo di licencia di maternidad cu ta wordo paga.

E tema di desempleo tambe ta un reto. Mundialmente hende muhe tin mas probabilidad di ta desemplea cu un hende homber. E cifra di desempleo mundial ta 5.8%, y di e cifra aki 5.5% ta hende homber y 6.2% ta hende muhe.

En conexcion cu e celebracion di Dia Internacional di Hende Muhe, den un publicacion riba pagina di Gabinete Wever-Croes, Minister di Labor, Energia y Integridad, Glenbert Croes, a plubica e datonan mas recien di hende muhe riba mercado laboral di Aruba cu Departamento di Labor y Investigacion (DAO) a presenta.

Segun e datonan aki, e cifra di desempleo di hende muhe na aña 2022 a baha na 6.6%, compara cu 9.7% cu a wordo registra den aña 2021.

“Awe DAO kier pone atencion riba e contribucion esencial di hende muher pa cu economia di Aruba. Nos como pais tin un compromiso cu e accion nan necesario pa logra e Sustainable Development Goals (SDG’s) di cual un di e metanan ta igualdad pa e ser femenino,” e publicacion a remarca.

SDG’s ta consisti di 17 meta en total cu tin como meta trece desaroyo sostneibel na paisnan rond mundo. Riba Dia Internacional di Hende Muher, DAO a ratifica e importancia di SDG #5 (Gender Equality) y SDG #8 (Decent Work and Economic Growth).

E publicacion ta indica cu e aña aki e Organizacion Internacional di Trabou (OIT) y Nacionnan Uni (UN) tin como tema pa e Dia Internacional di Hende Muher ‘DigitALL’. E tema aki ta representa e importancia di tecnologia pa cu e igualdad di genero.

“Innovacion, cambionan tecnologico y educacion den e era digital aki ta di suma importancia y enfasis a ser poni particularmente riba e hende muhe di paisnan den desaroyo. E meta ta pa encurasha e ser femenino pa participa mas den ‘science, technology, engineering, and math’ (STEM) pa asina nan tambe forma parti di trabaonan cu tin di haber cu innovacion,” el a señala.

El a sigui splica cu desigual-



dad di genero ta ser produci na diferente manera y den diferente seno. Pa hende muhe, banda di e trabou cu e ta haci na su lugar di empleo, e ta e actor principal tambe den e trabounan na cas. Pa e muhenan cu tin un trabou ‘full-time’, e fenomeno aki ta wordo referi na dje como e segundo shift y esaki pa motibo cu despues di a termina un dia laboral, e ta bay cas y cuminsa su trabou na cas tambe.

El a agrega cu pa hopi decada e balornan social y normanan imponi pa genero a trece un

desbalanse den e hogar, unda e hende muhe ta inverti mas tempo den cuida di e famia y hogar compara cu hende homber. Segun datonan di UN, den paisnan desaroya hende muhe diariamente ta inverti aproximadamente un ora y mey mas na trabounan di hogar compara cu hende homber.

E datonan di DAO ta indica cu e cifra di desempleo di hende muhe a baha for di 9.7% den 2021, pa 6.6% den 2022; e poblacion femenino trahado a conoce un aumento den aña 2022 compara cu 2021; di

tur contract laboral di tempo indefini riba mercado laboral 53% di esaki ta representa pa un trahado femenino; e trahado femenino ta representa 53% di tur esnan cu ta traha 6 dia pa siman; 1 den cada 3 muhe ta emplea den e sector hotelero y horeca, cu ta e sector mas grandi di empleo; e salario averahe di un trahado femenino den sector priva ta di 3.257,77 florin; e grado di participacion di hende muhe a baha di 57.9% den 2021 pa 56.7% den 2022 compara cu e grado di participacion di hende homber cu tabata 63.5% den 2022.



## Sector artistico ta cuestiona si UNOCA ta cumpliendo cu su proposito

**Union di Organisacionnan Cultural Arubano (UNOCA) tin un historia for di aña 1986 unda ta bin cargando un responsabilidad grandi como centro di servicio cultural educativo cu ta yuda alivia trabao, gasto relaciona cu proyectonan y tareanan cultural educativo. Sinembargo, tin malcontento di parti di personanan involvi den e sector cultural, artistico y creativo na Aruba cu no ta mira cu e fundacion ta atendiendo proyectonan cultural manera debe ser.**

Pa cu esaki, tres diferente persona a acerca Bon Dia Aruba, kendenan ta involucra den e sector aki cu kier a expresa nan opinion tocante e fundacion Unoca caminda tin malcontento, frustracion pero tambe un parti di gradicimento.

Un di nan ta un persona cu ta den mundo di arte, expresion y cultura pa cerca di 20 aña caba. Na e momentonan aki e ta bezig cu un grupo di amigo creando contenido pa e plataforma 'Djis pa Hari'. Ademas el a haci varios obra teatral na Cas di Cultura, tabata miembro di directiva di Basha Foundation cu tabata organisa poetry nights pa algun tempo y tambe a traha cu diferente fundacion den area di arte y cultura di Aruba, su alias ta "Beach Lama".

Beach a expresa cu su experiencia cu e fundacion Unoca tabata uno "basta straño; pa motibo cu como artista tin e impresion cu ora ta papia di cultura, arte y expresion e ta un capsula cu ta involucra tur cos, no cu e ta djis mara na tradicion y folklore." "Un di e cosnan cu mi a ripara ta cu basa riba criterionan di Unoca, bo ta sinti cu e ta mara hopi na tradicion y folklore, manera Dande cu no ta algo cu ta innova, ta un estilo di ritmo so di Dande tin y esey eigenlijk nan ta concentra riba dje. Nan no ta concentra riba otro estilo cu tin mas roots cu hopi hende no ta bay den e direccion ey y ta algo cu por wordo respeta."

Pa loke ta trata innovacion, Beach a señala cu si un persona ta bin cu un historia di Aruba cu por ta un proyecto cu tin algo di fantasia y por ta na Ingles, "e proyecto ey no ta bin na remarca pa subsidio." Tambe el a agrega un otro ehemplo cu si un persona cu ta gusta haci musica of un poesia y ta purba combina e dos disciplina aki, pa Unoca un di e rekisitonan pa haci musica preferiblemente mester ta na Papiamento. "Si mi ta bis'e na Spaño, e no ta cay bao e criterionan di Unoca pa por haya subsidio, pasobra mester ilustra e cultura di e isla," el a bisa.

Un di e ultimo hecho cu el a confronta su mes, manera el a sigura, tabata cu nan a traha un serie di podcast pa Unoca, "pero a tarda nos hopi tempo pa por haya e subsidio pa esaki. E subsidio a yega despues di varios luna di hopi stress. Tin hopi burocracia



pa yega na e fondonan. Igualmente a pasa cu otro obranan di teatro cu mi tambe tabata miembro di dje, cu a haya problemanan pa subsidio door di criterionan di Unoca."

Esaki pa su persona cu ta artista ta un situacion dificil debi cu nan continuamente ta trahando y produciendo. "Placa no ta tur cos, pero bo mester di dje pa bo por funciona," Beach a sigura.

Igualmente, un otro persona cu a prefera di keda anonimo y cu ta involvi den e sector cultural, artistico y creativo a duna su opinion pa loke ta trata Unoca, expresando su frustracion y mal contento, ya cu manera Unoca ta señala riba su website: "Nos ta stimula variacion, innovacion y renobacion, y nos t'ey pa yuda bo realisa bo metanan. UNOCA ta un fondo cu ta para pa participacion di arte y cultura na Aruba den un sentido mas amplio posibel y ta inspira desaroyo di arte y cultura pa medio di co-financia proyectonan."

Sinembargo, el a menciona cu pa proyectonan cu Unoca a yuda co-financia e ultimo añanan, no por demostra ningun caminda riba nan website. Riba e website aki di Unoca por mira cu no a actualisa nada den varios aña. Unoca no ta haci su esfuerzo pa stimula y atrae persona of organisacionnan interesa y cu tin mester di sosten pa por acerca nan pa por haya co-financiamento. Siendo cu e fondo cu Unoca ta maneha ta bin for di pais Aruba, pues e tambe tin cu responsabilisa su mes. Unoca no ta publica ki

dia nan ta cuminsa ricibi peticion pa proyectonan di e aña aki ni ki deadline tin. E pagina di Unoca riba Facebook tampoco ta actualisa manera mester ta.

"Nan ta basa nan mes na criterionan cu nan mes no por wanta nan mes na dje, na unda cu segun nan, nan ta basa riba Unesco 2009: Framework for Cultural Statistics", e persona a señala. Alabes e ta remarca cu "tin hopi malcontento den nos sector pa cu Unoca, pero hopi hende no tin e curashi di papia y ta prefera di keda keto. Cu ta pone cu mas atras nos ta keda bay."

Di e criterionan tin por ehemplo arte di tarima y teatro, herencia cultural, literatura, idioma, expresion audiovisual, arte visual, documentacion, folklore, musica y diseño, pero con ta aplica esaki ta otro diferente.

E di tres persona entrevista pa realisa e articulo aki, cu tambe ta keda anonimo, a sigura cu su experiencia tabata un tiki diferente: "50% bon y 50% malo."

"Bon den sentido cu mi ta aprecia cu nan tabata habri pa ideanan nobo tempo di nan tempo, pa scucha y pa sostene cosnan nobo. Pero e otro 50% ta cu nan no ta structura den luga pa por atende na temponan moderno cu nos ta biba aworaki. Basicamente m'a sinti cu cosnan por a cana miho. Mi a kere cu ami so a pasa den esaki, pero mi ta mira cu otro artistanan tambe nan proyecto por a cana mihor."

El a bisa cu personalmente e no tin

mucho di keha pa loke ta trata e fundacion mes, debi cu nan no ta esun cu mester duna so di nan banda, sino tambe e artistanan. "Pero ta falta mas un update den e board aworaki, nan mester analisa nan mes cu si tin hende cu tin añanan trahando cynan. Ta ora pa nan laga bay los pa pone un team mas nobo, cu ideanan mas fresco, cuminsa di nan tuma iniciativanan di nan mes y no warda riba artistanan pa bin cerca nan, pa atrae y yuda cierto artistanan," el a sigura.

E persona aki a comenta cu "Unoca por bira den dies aña, si nan ta cuminsa planta e simia awor, mas ainda, un pilar masha grandi mes den loke ta sostene artistanan pa yega na proyectonan cu ta direct of indirectamente por contribui na e desaroyo socio-economico di e isla. Ta cosnan cu nan mester wak mas di cerca, no ta trata di bay duna placa pa traha cos, sino pa traha industrianan nobo cu ta sostene algo y artistanan por cuminsa mas y mas yega na nan mesun placa sin depende di ningun fondo."

Un ehemplo cu el a duna ta un noticia cu a sali par di dia pasa riba otro medio local, den cual tabata señala cu "Renobacion di Cas di Cultura lo tin un costo di mas o menos 14 miyon florin." Esaki ta un otro proyecto cu Unoca tambe por yuda den renobacion, ya cu ta e unico espacio di e tipo aki na unda actividadnan cultural, artistico y creativo di Aruba ta tuma luga, un luga cu pa basta tempo no a haya atencion mereci y cu ta bin deteriorando mas y mas cu e paso di e añanan.



## Departamento di Labor y Investigacion (DAO) ta presenta dato mas recien di hende muher riba mercado laboral di Aruba

### Datos mas recien di e hende muher riba mercado laboral di Aruba

**1**

E cifra di desempleo bou hende muhe a baha di 9.7% na 2021, pa 6.6% den aña 2022.

**2**

E poblacion femenino trahador a conoce un aumento di 2% den aña 2022 compara cu 2021. Den 2022 Aruba tin un total di 25.581 trahador femenino.

**3**

Di tur contracto laboral pa tempo indefini riba e mercado laboral, 53% di esaki ta ser representa pa e trahado femenino.

**Dia 8 di maart, Dia Internacional di Hende Muher, ta e fecha riba cual mundialmente ta celebra y ta conmemora e avancen logra pa e ser femenino riba tereno social, economico, cultural, y politico. Esaki ta un dia tambe unda ta recorda e compromisonan pa cu accionnan necesario pa asina acelera igualdad pa hende muhernan rond mundo.**

DAO kier pone atencion riba e contribucion esencial di hende muher pa cu eco-

nomia di Aruba. Nos como pais tin un compromiso cu e accionnan necesario pa logra e Sustainable Development Goals (SDG's) di cual un di e metanan ta igualdad pa e ser femenino. SDG's ta consisti di 17 meta en total cu e proposito pa trece desaroyo balansa na paisnan mundialmente. Especialmente riba Dia Internacional di Hende Muher DAO kier ilustra e importancia di Goal #5 (Gender Equality) y Goal #8 (Decent Work and Economic Growth).

E aña aki 'International Labor Organization' (ILO) y 'United Nations' (UN) nan tema pa Dia Internacional di Hende Muher ta 'DigitALL'. E tema aki ta representa e importancia di tecnologia pa cu e igualdad di genero.

Innovacion, cambianan tecnologico y educacion den e era digital aki ta di suma importancia y enfasis ta poni particularmente riba e hende muher di paisnan den desaroyo.

E meta ta pa encurasha e ser femenino pa participa mas den 'science, technology, engineering, and math' (STEM) pa asina nan tambe forma parti di trabounan cu tin di haber cu innovacion.

Desigualdad a base di genero ta reproduci na diferente manera y den diferente seno. Banda di e tareanan di empleo, e hende muher ta e actor central den trabounan di hogar. Pa hende muhernan cu un empleo 'full-time' ta referi na e fenomeno aki como e segundo shift (second shift). Esaki pa motibo cu despues di a termina un dia laboral, e ser femenino ta cuminsa su segundo trabou na cas. Pa hopi decada e balornan social y normanan imponi pa genero a trece un desbalance den e hogar, unda hende muher ta inverti mas tempo den cuido

di e famia y hogar compara cu hende homber. Den paisnan desaroya hende muher dia-riamente ta inverti aproximadamente un ora y mey mas na trabounan di hogar compara cu hende homber, esaki segun datos publica pa ONU.

Pues, e contribucion pa cu economia di Aruba no ta solamente participacion di e ser femenino riba nos mercado laboral. E trabounan cu hende muher ta haci den nan hogar pa asina facilita funcionamiento diario y bienestar di un sociedad tambe ta un contribucion importante na

nos economia. Ta dificil pa pone un balor monetario na trabounan haci pa e ser femenino pa cu e hogar y su famia y hopi bes esaki no ta ricibi e reconocimiento necesario.

E siguiente ilustracion ta provee un bista riba e desaroyo di e trahador femenino riba nos mercado laboral.

DAO ta felicita tur hende muher riba e dia aki pa nan logronan extraordinario y nan contribucion pa cu e desaroyo di nos mercado laboral.

E trahado femenino ta representa 53% di tur esnan trahando 6 dia pa siman.

**4****5**

1 den 3 trahado femenino ta emplea den e sector di hotels y restaurants (32%), cu ta e sector mas grandi den empleo.

E sueldo mensual di e trahado femenino den sector priva ta un averahe di AWG 3257,77.

**6****7**

E grado di participacion di hende muhe a baha di 57.9% na 2021, pa 56.7% na 2022. E grado di participacion di hende homber ta 63.5% na 2022.

## Hende muhe mester yuda y proteha hende muhe

**Riba Dia Internacional di Hende Muhe nos a conmemora y celebra e muhenan rond mundo pa pa nan acto- y logronan na bienestar di sociedad, ni con grandi of chikito esakinan por ta. Den e caso aki, un acto chikito a salba un hoben di un experiencia traumatico, of por a hasta salba su bida, cu su acto di bondad y di proteccion pa otro hende muhe.**

Un hoben, hende muhe, Arubiano, cu a papia den condicion di anonimato, a conta Bon Dia Aruba su storia di con un hende muhe, taxista, a salbe di pasa un experiencia traumatico y posiblemente hasta salba su bida.

E hoben aki ta conta cu tempo e tabata studia afo, el a pasa den un experiencia no

mucho agradabel y cu te dia di awe, e por corda solamente algun pida di e anochi ey.

El a conta cu aunke e enfoke semper tabata pa caba su estudio, e tabata mantene un bida social basta activo den sentido cu e tabata sali cu amigay amigonan, sali come, sali trip, etc. Y riba un anochi, mane cualkier otro anochi, el a dicidi di sali un rato cu un grupo di amiga, sin sa cu e su anochi lo termina di un forma cu e no a spera.

"E anochi a cuminsa trankil y mas cu claro tabatin alcohol involvi den e tripmento, pero tur cos tabata rutig y nos grupo di amiga tabata combersa y dal un paar di drinks. Despues di un rato, mi a acerca e bar pa cumpra otro rond di cos bebida y un hoben, homber, a cuminsa un combersacion cu mi, el a

puntra nomber, edad, di unda mi ta etc. y na final el a ofrecemi algo di bebe. Aunke mi tabata sa miho, mi a acepta su bebida. Y Esey ta basicamente e ultimo cos cu mi ta corda di e anochi ey," el a conta.

E siguiente dia, e hoben a sigui conta, el a lanta riba stupi di su apartament, sin sa con el a yega eynan y cu un nota den su tas. E nota tabata di parti di un taxista muhe, cu a yude yega su cas. Den e nota tabatin e number di telefon di e taxista y e hoben a contact pa puntre kico ta loke a pasa y con el a yega su cas.

"E taxista a contami cu mi tabata canando, hopi burachi, y mi tabata wordo compaña pa dos homber y cu nan tabata basicamente cargami. Nan a yama e taxista ey pa hiba nos un caminda, e taxista a bisami el a wak mi estado y cu el a

puntrami si mi kier keda cu e hombernan aki, y segun el a bisami mi a contesta no y eynan ta unda el a saca e hombernan for di su taxi y hibami cas. Ami mes no ta corda nada, pero segun mi a bise unda mi ta biba y el a lagami na cas. Danki na e hende muhe aki cu mi no tabata conoce cu e protehami, mi a scapa di por a wordo viola

of hasta mata," e hoben a remarca.

Pa e hoben aki, e experiencia ey ta uno cu semper e ta corda, un memoria cu te dia di awe, aunke e no tin mucho recuerdo di hopi cos cu a pasa e anochi ey, ta keda bin dilanti y ta un les pe y pa otro hobennan den futuro.



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**

accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)

Pablo Libre

**Press**

Roland Schenker (Hefe)

Omar Ramirez

Martin Boekhoudt

Francis Dirksz

**Colaboracion**

Associated Press

Ret Karibense

Upload Media Aruba

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

## IPKO realmente tin...

*Valor agrega...?*

Siman pasa e parlamentonan di e cuatro paisnan di Reino Hulandes a reuni atrobe, manera ta sucede dos biaha pa aña. Manera sa pasa mas vez, no a sali tanto resultado for di e reunionnan y nos no por kita e impresion cu e encuentro periodico ta birando mas y mas un ceremonia obligatorio, sin cu tin avance berdadero pa ningun.

Esaki lo no ta nada straño tampoco, pasobra ta e parlamentonan ta reuni, y no e gobiernonan ehecutivo cu concretamente ta formula y ehecuta un maneho. E ultimo aki naturalmente si tin maneho, loke riba e islanan no semper ta garantiza. Pero esey como observacion den banda. En todo caso, den e situacion mas favorable e paisnan ta yega na un consenso riba cierto tema, y ta carga e responsabilidad pa comunica cu nan ehecutivo riba e acuerdonan, loke finalmente por resulta den legislacion efectivo. Si no tin iniciativa directamente di parti di ehecutivo, parlamento mes por tuma iniciativa pa tal legislacion, loke no semper lo ta e caso, cu e pregunta si finalmente ta yega na implementacion di loke a acorda.

Mas tanto por observa cu despues di cada encuentro cada delegacion ta bay nan cas, cu cada partido presente cu nan mes pensamiento cu no necesariamente ta cuadra, ni cu e linea di pensamiento mayoritario expresa pa e lider di delegacion, ni cu loke a keda palabra finalmente den e 'Afsprakenlijst' di IPKO. Hasta den caso cu tin consenso aparente, manera den e caso di e famoso 'geschillenregeling', e areglo di disputa entre paisnan insular di Reino y gobierno di Reino, cu a haya un consenso varios aña pasa di tur delegacion, tambe esun Hulandes, y te awe ainda no ta yega na tal areglo. Y esaki, pa algo cu tur delegacion sa masha bon: gobierno ehecutivo Hulandes bao di ningun condicion ta bay somete su mes na cualkier situacion unda na nivel di Reino nan lo ta suheto na posicion tuma – eventualmente conhuntamente – pa e partnernan isleño. Ni masque cuanto e islanan ta 'team up', hasta cu apoyo parlamentario Hulandes, esaki no ta bay sucede.

Loke si por pasa ta cu riba puntonan menor, manera mas presencia y voz pa e delegadonan di e islanan den por ehemplo tratamiento di leyman di Reino den parlamento Hulandes, ta bin mas posibilidad. Pero esey no ta mas cu adorno, mientras pa varios aña varios politico di e islanan ta boga pa 'igualdad' den Reino. Hamas lo tin un situacion unda e islanan por 'outvote' Hulanda, e situacion lo no surgi nunca. Esaki tin tur cos di haci cu nos pasado conhunto, unda e teritorionan colonial tabatin un opcion pa keda den Reino, manteniendo derecho di autodeterminacion, cu e islanan por eherce, birando entidad independiente..., si algun dia nan poblacion dicidi den

mayoria suficiente cu esey lo ta e futuro. Un di e motibonan ta, y nos no a tende nos politiconan bay contra esaki, cu mester tin un garantia di bon gobernacion na e islanan, pa garantiza bon gobernacion pa e ciudadano Hulandes, cu ta nos, e poblacion di e islanan. Esey ta un responsabilidad cu no por coresponde na e gobierno di e isla, sino ta algo di e totalidad cu yama Reino Hulandes. Esey ta e dualidad den e Statuut, cu un banda di colaboracion a base di igualdad, y di otro banda e supervision pa garantiza bon gobernacion.

Awor, gobierno local semper ta purba 'rek' e posibilidadnan pa optimaliza nan poder politico. Pa esey por tin comprension di un banda y ta yama pa tratamiento di disputa den Reino di un manera razonable. Sin embargo, loke e islanan ta purba logra cu ta bin un instancia hudicial cu ta duna veredicto imperativo contra Reino Hulandes, lo no mira luz di dia nunca, segun nos opinion. Ta pesey, despues cu parlamentarionan Hulandes a formula algo asina cu e islanan, nan propio partidonan a para e asunto ey y no a bin un propuesta di ley asina cu lo a mara man di gobierno Hulandes. Den IPKO por papia y palabra kico cu ta, esey no ta representa e berdadero poder politico den e partidonan clave na Hulanda.

Cu esey anto como meta inalcanzable, kico ta e cosnan cu si por sali como asunto util y razonable for di e consulta entre parlamento? Tur e asuntonan cu por regla centralmente den ley di Reino, pero cu e islanan mes por regla tambe cada un separadamente, basta tin un union di pensamiento y ta crea leyman concordante na e diferente partinan di Reino. Di e manera aki ta posible cu e islanan ta percura diligentemente pa legislacion propio, evitando asina cu finalmente ley di Reino ta bira necesario y ta impone esaki riba nan cabez, pa despues nan bay grita... Y ta aki ta unda e islanan mes ta fayando grandemente. Por ehemplo, tin un retraso grandi den legislacion pa duna cumplimento na tratadonan internacional cu a bira vigente pa e islanan. Bo kier keda sin cumpli te dia cu na Hulanda nan bisa bo cu nan ta hinca e asunto den un ley di Reino? Esey ta loke a pasa concretamente cu e supervision financiero, cu ta bira ley di Reino, despues cu e propio gobierno aki a sabotea e ley di Aruba mes. Awor para pa e consecuencia.

Pa bolbe na e utilidad di IPKO: Nos ta mira esaki solamente si parlamento, y e partidonan envolvi, tuma esaki como estimulo pa actua den cas propio, y no mira e encuentro como oportunidad pa mahadera tocante asunto inalcanzable. Esey por bira realidad?



*Prome Minister Evelyn Wever-Croes: Den nomber di paisnan den Reino Hulandes,*

## Prome minister a duna discurso na e Ministerial

### Round Table na Nacionnan Uni

*“Hunto y cu positivismo, nos por sigura cu tur genero tin oportunidadnan igual y garantisa crecimiento inclusivo pa tur hende”*

**Un biaha mas, Prome Minister Evelyn Wever-Croes ta lidera e delegacion di Reino Hulandes**



**na e debate general CSW 67, Commission on Status of Women na Nacionnan Uni, New York.**

Diamars, Prome Minister a participa na e Ministerial Round Table na Nacionnan Uni riba e tema: Good practices in addressing barriers to bridge the gender digital divide and promote education in the digital age for achieving gender equality. Prome Minister a comparti tur loke Aruba ta haciendo riba e terreno aki cu ta su vision di Innovacion desde 2017.

Prome Minister a enfatisa cu transformacion digital profundamente a impacta bida diario den Reino Hulandes. Transformacionnan a trece cu ne hopi oportunidad pa lora ta trata igualdad di genero pero tambe hopi riesgo. Un preocupacion di esaki ta trece realisacion riba e necesidad pa transforma nos economianan pa futuro pa crece. Pero mientras cu tin intervencionnan directo contra participacion di hende muhe y mucha muhe, desigualdad lo continua.

Prome Minister a remarca cu despues di e pandemia, no tin tempo pa nos sinta y warda riba cambio. Aruba, como un isla, nos ta realiza cu apesar di nos vulnerabilidad y limitacionnan, nos no por depende mas riba innovacion importa. Innovacion mester cuminsa cerca nos mes. Pa e motibo aki tambe Aruba a tuma accionnan concreto pa ta parti di e solucion y prepara nos generacion hoben pa e futuro mercado laboral. Nos meta ta, pa a traves di FUTURA, nos Lab di innovacion nacional, crea e interes den muchanan muhe pa persigui profesionnan den ciencia, tecnologia, ingenieria of matematica.

Universidad di Aruba tambe a establece un programa di Bachelor, Master y PHD cu enfoca riba desaroyo sostenibel pa e islanan chikito den desaroyo (SISSTEM) y actualmente e facultad y e ekipo di docente ta consisti di un participacion di 56% di hende muhe y tambe ultimamente ta mira un crecimiento den e participacion di studiantenan femenino y ta casi 50%.

Iniciativanan similar ta existi na Hulanda. Tecnologia ta drentando mas y mas den scolnan, sector priva y autoridadnan local cu ta inclui e focus pa atrae mas hende muhe y mucha muhe den sectornan STEM. Recientemente, Hulanda a lansa e plan di accion pa empleonan berde y digital cu e meta pa aumenta inversion den habitonan digital, educacion y desaroyo y tambe e cantidad di specialistanan di ITC femenino.

“Ta mi speranza cu iniciativanan aki, nos por motiva tur hende pa cera e gap di genero. Hunto y cu positivismo, nos por sigura cu tur genero tin oportunidadnan igual y garantisa crecimiento inclusivo pa tur hende. Muhenan den liderazgo lo hunga un rol fundamental den esaki. Ta nos, como lidernan, un responsabilidad pa inspira hende muhenan hoben y muchanan muhe y yuda hende muhe avansa tambe den innovacion”, Prome Minister Evelyn Wever-Croes a expresa den su palabranan dirigi durante e Ministerial Round Table na Nacionnan Uni.

*Minister Glenbert ta orguyoso:*

## EPE a conoce su prome cursistanan den Horticultura

**Manera ya ta conoci, Minister Glenbert Croes a percura pa pone Enseñansa pa Empleo bek riba pia ampliando e cantidad di cursonan pa yuda e persona recapacita su mes conforme e demanda laboral.**

Na mes momento ta enfocando riba cursonan cu por yuda tur hende provee pa su mes, su famia y si por hasta pa comercio. EPE den cooperacion cu Santa Rosa, ta instruyendo esunnan interesa con pa bira agricultor di tur locual cu aki na Aruba mes nos por cultiva.

3 di maart ultimo, e prome grupo di cursistanan di Horticultura a termina e curso cu exito. Sra. Sabine de Groot den nomber di EPE y di Minister Glenbert Croes, a entrega na cada graduado su certificado.

Manera a menciona anteriormente, e curso di Horticultura ta un colaboracion entre Enseñansa pa Empleo y Santa Rosa.

E curso ta wordo parti den 2 parti, cual ta teoria y practica. Ambos ta wordo ofreci na Santa Rosa y pa practica diferente sitio di agricultura y plantacion ta wordo bishita.

E teoria ta pa siña e cursistanan e mihor tecnica pa planta y cultiva, mientras e practica ta pa realmente siña planta, explora e diferente tecnicanan y tambe diferente tera di cunucu y pa cual producto e tera ta apto.

“Nos ta sumamente contento y orguyoso cu e grupo a logra nan meta di completa e curso aki cu exito y nos ta spera cu tin mas interes pa sigui cu e curso di horticultura cu por

bira un pilar importante den economia di Aruba”, Minister Glenbert Croes a expresa.

E siguiente curso lo inicia dia 3 di April proximo. Si ta interesa por yama EPE libremente na 5825662. Bishita

e website di [www.epearuba.com](http://www.epearuba.com) of via facebook @Enseñansa pa Empleo.





## Hospitalnan Hulandes lo cuminsa bypass gastrico pa hobennan obeso

(NLTimes)—Hospitalnan na Veldhoven y Maas-tricht a cuminsa un estudio den cual cierto hobennan obeso entre 13 y 17 aña por haci operacion pa haci stoma mas chikito. E hospitalnan ta investigando con e operacionnan por wordo incorpora den cuidu regular, Volkskrant a reporta.

Dokternan y proveedonan di cuidu di salud for di varios disciplina a lucha cu e topico aki pa 8 aña. Operacion pa haci stoma chikito ta rekeri cambianan di plaso largo na e estilo di bida di e pashent, incluyendo vitamina tur dia y prohibicion pa bebe likido entre un periodo di 30 minuut ora ta consumi cuminda.

Pero obesidad tambe tin consecucionnan serio, no solamente pa e salud fisico

di e hoben, pero tambe pa nan salud mental y bida social. Hendenan sobrepeso tin mas probabilidad pa desaroya depresion; nan tin mas dificultad di por cay na estado; tin mas dificultad pa traha mas amigo; tin dificultad pa haya trabou y mayoria biaha ta gana menos, segun Anita Vreugdenhill, ken ta un pediatra y profesor na MUMC+. P'esey e expertonan a dicidi pa limita e garantianan cu muchanan mester yega na dje pa ta eligibel pa gastric bypass. Tin entre 5.000 y 10.000 hoben na Hulanda cu ta un grupo obhetivo pa cual ta encera nan peso y edad. Pero solamente un proporcion chikito por ta eligibel, segun Vreugdenhill.

“Un pediatra mester referi un pashent na un centro di experto. Eynan nos ta mira si nan a purba tur cos pa al

menos un aña pa reduci nan peso cu cambianan den estilo di bida, dietistanan, psicologonan y consulta familiar. E ora ey so nos lo nomina un pashent pa un plataforma nacional unda specialistanan di diferente disciplina lo evalua e pashent atrobe. Despues lo tin charlanan intensivo cu e ciruhano y e famia.” Despues di e operacion, e hoben lo ricibi al menos 5 aña di guia

den e cambianan di estilo di bida cu ta acompaña bypass gastrico.

Estudionan na Merca y Scandinavia a muestra cu operacion bypass gastrico tin efectonan positivo riba e salud. E estudio na Veldhoven y Maas-tricht tin e meta pa investiga con pa incorpora e operacion den e cuidu actual cu e hoben ta ricibi na un manera miho.

E bypass gastrico no lo reemplaza e cuidu actual, segun Francois van Dielen, ken ta iniciado di e estudio y ciruhano na Maxima MC. “E ta un adiccion di loke nos ta ofrece caba. Obviamente nos mester enfoca mas tambe riba e prevencion y guia intensivo. Pero no ban lubida cu tambe tin hobennan cu nan lomba pega na muraya. Nos mester ofrece nan algo tambe.”



## Test di DNA por evita cu pashentnan di cancer di colon mester ricibi kimoterapia innecesario



(NLTimes) - Un test di DNA cu ya caba ta ser usa ampliamente tambe por ilustra cua pashentnan cu cancer di colon no lo beneficia di kimoterapia pa prolonga nan bida, cual ta e kimoterapia unda ta haci uso di trifluridine/tipiracil (FTD/TPI).

Trifluridine/tipiracil (FTD/TPI) ta un medicamento cu ta ser duna dos biaha pa dia den forma di un tablet (pildo). Investigadornan na Antoni van Leeuwenhoek Hospital y Netherlands Cancer Institute a demostra esaki caba. “Den termino corto, e resultadonan ya caba a causa un seleccion mas cauteloso di pashentnan cu tumornan y con nan lo responde na e kimoterapia aki pa asina por evita cu e pashentnan mester pasa door di tratamiento innecesario y lidia cu efectonan secundario inplacentero sin cu esaki ta necesario,” e in-

vestigadornan a splica.

Esaki ta trata di persona cu un “mutacion KRAS G12” den e DNA di nan tumor. Den e pashentnan aki, un ‘letter’ specifico a cambia den e codigo di 3 biyon letter cu e tumor su DNA ta conta. E mutacion ta comun den personanan cu tin cancer di colon. Mas o menos un kwart di tur pashent tin e mutacion aki den nan DNA.


“E resultadonan di e estudio aki ta asina fuerte cu di nos punto di bista, ahusta e guianan ta deseabel pa asina sigura cu personanan cu e mutacion G12 no mester ricibi e kimoterapia aki mas. Asina bo ta evita cu e pashentnan mester pasa door di sufrimento innecesario,” e cientificonan a declara. Nan ta spera cu e metodo aki tambe por muestra e efecto di otro tipo di kimoterapia den futuro.

## Trahadonan di salud no lo ricibi un avance riba compensacion pa Covid Largo

(NLTimes)—Corte na Den Haag a dicidi diaran cu trahadonan di cuidu di salud, ken a perde nan trabou despues di wordo declara incapaz pa traha pa via di un infeccion di coronavirus, no lo ricibi un avance riba nan compensacion pa Covid Largo. Segun e corte, e aplicacion pa compensacion no por wordo acepta den un procedura di demanda colectivo pasobra cu e evaluacion si trahadonan di cuidu di salud ta eligibel pa esaki mester wordo conduci caso pa caso.

Unionnan di comercio FNV y CNV a lanta un caso contra e estado Hulandes. Nan a demanda un avance di 22.000 euro riba e compensacion pa e trahadonan infecta cu coronavirus den e prome fase di e pandemia na 2020 y ken despues a perde nan trabou pa via di sintomanan di Covid Largo. “Nos trahadonan di cuidu di salud a wordo desplega durante e prome lunanan sin proteccion. E estado ta responsabel pa esaki y nos ta kere cu e estado tambe ta legalmente culpabel,” segun e vice-president di FNV Kitty Jong ora nan a entrega e caso.

Pero segun e corte, e no por



aproba e avance demanda pa un grupo grandi di trahadonan. “Si trahadonan afecta tin derecho pa compensacion, mester evalua esaki caso pa caso. Esaki ta rekeri un evaluacion a base di cada situacion concreto: unda y bou ki circunstancianan e trahadonan a wordo infecta?” e corte a declara.

P'esey e corte no a duna huicio pa si y den ki caso e estado a actua inhustamente cu e trahadonan di cuidu di salud.

E hues tambe a nenga e demanda di e unionnan pa duna ordo na e estado pa tene consultanan tocante un acuerdo financiero pa trahadonan cu Covid Largo. “Den e perspectiva di e corte, no tin ningun fondo legal cu ta obliga e estado pa tene consultanan.”

Luna pasa, e minister di Cuidu Medico Conny Helder a anuncia cu e Cabinet lo traha un plan financiero pa trahadonan di cuidu di salud cu no ta capaz di traha pa via Covid Largo. El no a duna hopi detaye, solamente el a bisa cu hendenan lo ta solamente eligibel pa compensacion si nan a provee cuidu “frecuentemente y intensivo” na pashentnan di Covid-19 den un hospital of cas di cuidu entre maart y juni 2020. Un dokter tambe mester a determina cu nan tin kehonan relata cu coronavirus pa mas cu dos aña.

Helder tambe a declara cu el ta considera e plan financiero uno separa for di e caso entrega pa FNV y CNV, pero cu el lo tuma e huicio den consideracion mientras cu Cabinet ta traha e plan.



*Banco Central di Corsou y Sint Maarten:*

## ‘Caribbean Gulden’ lo ta cla den di dos mita di 2024

(CuraçaoChronicle) - Banco Central di Corsou y sint Maarten ta calcula cu e introduccion di ‘Caribbean Gulden’ (florin Caribense) lo keda completa den di dos mita di año 2024. E moneda nobo aki lo reemplasa e Netherlands Antillean Guilder cu ta den circulacion desde año 1952.

E introduccion di un moneda nobo a bira necesario den bista di e escaseznan cu ta premira den e varios denominacion di biyete y moneda di e florin Hulandes Antiano.

E compania cu ta print biyete y ta produci e Antillean Guilder a para produccion di esaki y otro companianan a indica cu nan no lo por produci e biyetenan aki basa riba e mesun especificacionnan, parcialmente pa causa di e funcionna di siguridadnan bieu cu e biyetenan aki tin.



Pa motibo aki a bira necesario pa cambia e especificacion di e biyetenan aki, resultando den e actualisacion di esaki y den su turno causando cu mester

produci biyetenan nobo pa cumpli cu e demanda.

Pa motibo cu e costonan di esaki y e efecto cu esaki lo tin

den e transaccionnan ta comparabel na e introduccion di un moneda nobo, a bira logico cu lo mester introduci un moneda nobo segun e banco.

Con esaki lo muestra te ainda no ta conoci. Sinembargo nan lo ser crea den e siguiente denominacionnan; 5 florin, 1 florin, 50 cent, 25 cent, 10 cent, 5 cent y 1 cent. Pa cu e biyete nan, esakinan lo ta; 200 florin, 100 florin, 50 florin, 20 florin y 10 florin. E biyete di 250 florin lo keda reemplasa pa e biyete di 200 florin Caribense y e nota di 25 florin lo keda reemplasa pa e biyete di 20 florin Caribense.

E denominacionnan nobo ta mas den linea cu e practicanan di pago internacional, den e mesun caso di dollar y euro.

Cu e florin Caribense nobo, e intercambio di esaki cu dollar lo ta  $1\$ = 1,79$  florin Caribense. E intercambio entre e florin Antiano cu e Florin Caribense lo ta 1:1. E balor di e florin Caribense lo ta equivalente na e florin Antiano.

## Sociedadnan di Corsou ta cuminsa cu plataforma pa solucion pa crisis di migrante

(CuraçaoChronicle) - Organisacionnan di stakeholder di sector publico y priva di Corsou lo crea y coordina un plataforma pa traha riba solucionnan pa e problema di crisis di migrante na e pais.

Esaki ta un di e resultadonan di e Second Round Table Conference cu a ser organisa siman pasa, cual a trece hunto representantenan di gobierno, organisacionnan di dunadonan di empleo y empleadonan, sociedadnan civil, NGO, organisacionnan internacional y gruponan religioso.

E organisacion Human Rights Defence Curaçao (HRDC) a organisa e conferencia aki cual a keda facilita pa Social and Economic Council (SER).

E plataforma ta den plan pa e siman aki cu un reportahe di 2 pagina cu ta describi solucionnan practico cu despues por bira un guia pa e formulacion di politica den e veld di un mercado di labor cu ta mas inclusivo, den cual e migrantenan den crisis lo hunga un rol tambe. Esaki tabata e motibo principal pa cual a organisa e prome Round Table



Conference tocante e mercado di labor y migracion den augustus di año pasa, parcialmente como un di dos parti na e simposio di migracion cu SER a organisa den mei di año 2019. Stakeholdernan internacional tambe a keda invita na e di dos ronda aki.

Un di e presentantenan clave tabata John Blik di International Labor Organization (ILO), ken a duna un presentacion documenta cu a inclui data di investigacion recien titula Building Communities: The Economic Benefits of Integrating Migrants into Local Economies. Otro presentantenan a inclui Fabio

Siani di UN Refugee Agency y Jean Fayad ken tabata presentando di parti di e sector priva.

E testimonio di Natalie Molina Rodriguez tabata special pa motibo cu e ta un persona cu a migra for di Venezuela 8 año atras y conhuntamente cu 300 profesional Venezolano sin papel di residencia, a skirbi na Prome Minister Gilmar Pisas haciendo peticion pa habri e condicionnan estricto di un programa di integracion na profesionalnan independiente tambe. Sinembargo te ainda no a haya un resultado. Segun HRDC, e gobierno di Corsou no ta mirando exito

den nan strategia pa cu politica di migracion y poblacion. Como resultado di esaki, un grupo grandi di migrantenan di crisis ta cay na banda cu un gran cantidad di consecuencia. No solamente pa e migrantenan sino tambe pa e sociedad Curasoleño, cual ta beneficia di e combinacion corecto di habilidadnan y trabao.

Human Rights Defense Curaçao ta mira cu tin un escasez riba e isla di empleadonan cu experticio y habilidadnan, parcialmente causa pa e poblacion cu ta birando mas grandi y e ida di e Curasoleñonan pa Boneiro of

Hulanda. Esaki mientras tin un potencial enorme den hobennan y hopi biaha famianan henter di personanan cu ta biba na rand di e sociedad, invisibel, ignora y cu mas di 5 año den e pais sin un permiso di residencia of admision legal. Esaki ta inclui personanan cu tin educacion halto, manera dokternan, ingenieronan y profesionalnan den tecnologia kendenan no ta permiti ta den e pais, bibando di manera ilegal y cu miedo di detencion, deportacion of abuso. No ta conoci cuanto di nan tin, ni cuanto muchanan a nace entre nan, ni tampoco cuanto di nan a sali for di e pais den añanan recien.

E plataforma nobo aki lo bira un combinacion di partidonan den e sector priva y sector publico, incluyendo asociacionnan di negoshinan, unionnan laboral y representantenan oficial di e ministerionan di desaroyo social, labor y bienestar, husticia, economia y gobernacion ademas di NGO's manera Human Rights Defense Curaçao.

ILO conhuntamente cu UNHCR/ACNUR ta prepara pa usa nan experticio tecnologico y conocimiento pa e beneficio di e programa aki.



## Hulanda ta confirma cu lo limita mas exportacion ASML pa China

(NLTimes)—Cabinet Hulandes a confirma Diaranson cu e ta limitando exportacion di “tecnologia hopi specifico den e ciclo di produccion semiconductor.” E decision ta afecta e habilidad di e compania di tecnologia ASML pa exporta productonan na China sin un licencia pa exportacion specifico. E compania ta fabrica ekipahe specialisa y hopi busca cu ta wordo uza pa produci chip di computer.

Noticia tocante e trato entre Hulanda, Merca y Hapon pa limita exportacion di tecnologia microchip pa China a wordo publica caba na januari. Awo Hulanda ta limitando bendemento di sistemanan litografia ultraviolet, cual ta print detayenan chikito riba microchip. E gobierno Hulandes a blokia e bendemento di sistema litografia ultraviolet pa varios aña caba. Actualmente, ASML ta e unico compania na mundo conoci cu ta produci sistemanan cu ta fabrica sistemanan di litografia ultraviolet extremo, cual ta un desaroyo riba nan sistemanan ‘deep’ ultraviolet.

ASML a declara cu solamente

nan hermentnan di litografia “mas avansa” a wordo afecta pa e limite den exportacion.

En fin, mientras cu e tecnologia pa traha semiconductor ta sigui desaroya, tambe lo su efecto riba seguridad nacional y internacional sigui crece, segun minister di Comercio Exterior, Liesje Schreinemacher, a declara den un carta manda pa Tweede Kamer. E medida ta parti di e cuadro cu e Cabinet ta desaroyando pa controla exportacion di tecnologia semiconductor.

Schreinemacher a bisa cu e meta ta pa “preveni produccion Hulandes contribui na un uzo menos agradabel, manera despliegue militar of den armanan di destruccion; preveni dependencianan strategico di plaso largo; y e mantencion di liderazgo Hulandes den tecnologia.” Aplicacion pa licencia di exportacion lo wordo evalua “riba un base di caso-pa-caso, cual ta basa riba tres principio.”

Aunke ASML no a wordo menciona pa nomber den e carta, Schreinemacher a subraya especificamente e necesidad pa proteha tecnologia manera esnan di litografia ultraviolet, cual ta e proceso



uza pa traha circuitonan integra. “E tecnologia aki, den combinacion cu cierto otro tecnologia avansa traha na otro parti di mundo, ta hunga un rol importante den e produccion di semiconductor nan avansa,” Schreinemacher a skirbi

“Ta bay sin bisa cu Hulanda tambe ta traha hunto cu e comunidad di empresa pa establece medidanan di control nacional. Ta importante pa

companianan sa exactamente unda nan ta para y cu nan tin tempo pa adapta nan procesonan di negoshi na e regulacionnan nobo.”

ASML a bisa cu nan tin e expectativa cu lo dura un tempo pa e regulacion wordo implementa den ley Hulandes. “A base di e anuncio aki, nos expectativa pa e politico di licencia y e situacion di mercado actual ta cu e medida no lo tin efecto riba nos meta fi-

nanciero pa 2023 of riba nos scenarionan di plaso largo, cual a wordo anuncia durante nos Dia di Inversor aña pasa,” e compania a expresa.

Hulanda tambe lo informa e Comision Europeo y miembronan di Union Europeo tocante e medida pa asina nan por adapta limitacionnan similar. Pero e tecnologia cu lo wordo limita ta solamente uza den par pais den henter mundo.

## Ta bay procesa capitannan di boto pa accident “menasante” na Rotterdam



(NLTimes)— Ministerio Publico (OM) lo procesa e capitannan di boto involucra den un accident dia 21 di juli 2022 entre un taxi di awa y un Spido na Erasmus Brug na Rotterdam. Seis persona riba e taxi di awa, incluyendo un baby, “apenas a wordo rescata” prome cu e boto a sink, segun e OM.

A base di un investigacion extensivo pa seaport polis, e OM a conclui cu tur dos capitan tin e culpa di causa e accident y pa pone e personanan “den un situacion peligroso.” Pero e OM a añadi cu cada un ta carga “diferente grado” di e culpa.

E OM no ta bisa exactamente kico a acusacionnan ta.

## NOTICE ALL SAGICOR LIFE OFFICES

**THURSDAY MARCH 9TH &  
FRIDAY MARCH 10TH, 2023**

We wish to advise our valued clients and the general public that in order to facilitate an important team meeting, all Sagicor Life and Lyder Insurance Consultants offices will close at **12:00 noon** on **Thursday March 9th, 2023** and will remain closed all day on **Friday March 10th, 2023**.

Regular business hours will resume on **Monday March 13th, 2023**.

We apologize for any inconvenience and encourage our clients to continue utilising our convenient online options.

  
**Sagicor**  
LIFE



## Chile: Intento di robo na un transporte di balor a laga dos morto

(NTN24) - Ayera diaran-son na aeropuerto Inter-nacional Arturo Merino Benitez na Santiago di Chile un grupo di delin-cuente di por lo menos 12 homber tabata protagonista di un tiramento cu a laga dos persona morto ora nan a purba di horta un truck di transporte di balor.

Di acuerdo cu autoridadnan, e auto blinda cu e hombernan a purba di horta tabata contene 32 mil milyon dollar.

Autoridadnan a informa cu



un di e victimanan tabata trahado di seguridad di Direcc-ion General di Aeronautica di Chile (DGAC) y e otro persona morto ta un di e delin-cuente nan cu a participa den

e robo.

E grupo di delincuente nan a benta abou e cura di e terminal aereo pa por bay cu e auto di balor, nan a hiba tres pick-up y un di e ladronnan tabata

bisti cu uniforme di personal di DGAC.

Durante esaki a produci un intercambio fuerte di disparo den e cual a resulta herido un di e personanan responsabel y e seguridad di DGAC.

Segun Polis a sigura, e ladronnan no a logra comete e robo pa loke nan no por a bay cu e 32 mil milyon dollar cu tabata den e truck y ora nan tabata huy nan a kima varios auto. Presidente di Chile Gabriel Boric, a expresa cu “nos sa cu seguridad ta prioridad pa Chilenonan, y ora tin inseguridad tur otro cos ta tamba-

lia,” e mandatario a señala durante e celebracion di Dia di Hende Muhe cu tabata wordo realisa na Palacio de la Moneda y tambe a manda palabranan di solidaridad na famia di e funcionario di DGAC.

“Awe e dos robo aki a wordo interumpi, pero el a costa un prijs hopi halto, e costo di bida humano,” e presidente Chileno a agrega refiriendo na otro intento di robo na La Cisterna na unda un polis a impedi e hortamento y a mata un delincuente.

## El Salvador a condena un gang na 1.310 año di prizon

(NTN24) - Un corte di El Salvador a condena un gang na 1.310 año di prizon, segun fiscal general Rodolfo Delgado.

Ta trata di un criminal cu ta pertenece na e grupo Mara Salvatrucha (MS13) cu a wordo declara culpabel di 30 delito. “Wilmer Segovia, homeboy di MS13, programa Shulton cu tabata opera na oriente di e pais, a wordo declara culpabel di a comete 33 homicidio, 9 proposicion pa comete asesinato y varios extorsion,” e funcionario a bisa riba su cuenta di Twitter.

“E gangnan cu tanto dolor y lagrima a causa na nos pueblo Salvadoreño, no ta bay sali. Nan ta bay permanece cera tanten nan lo paga pa cada un

di nan crimen. Nos ta bay en-carga di esey,” el a agrega.

Segovia no ta e unico cu a ricibi un condena di e magnitud aki, otro gang como Miguel Angel Portillo, a ricibi 945 año di detencion.

“Portillo, homeboy di e me-sun programa di MS, tambe a wordo haya culpabel di a comete 22 homicidio, 4 proposicion pa comete asesinato, 1 intento di homicidio y extorsion. E criminal aki ta wordo condena na 945 año di prizon,” Delgado a declara.

Asina mes, fiscal general a manda un mensahe na e gangnan cu ta e blanco principal di administracion di Nayib Bukele y a reitera cu e condenanan aki si ta bay wor-



do cumpli. E lucha contra delincuencia na El Salvador a wordo cuestiona pa algun y alaba pa otro, den ultimo dianan, e presidente Nayib Bukele a ricibi criticanan

fuerte pa e mega prison cu a inaugura y cu tin capacidad pa mas di 40.000 preso. Subdirector di Division di America na Human Rights Watch (HRW), Juan Pappier,

a manifesta cu El Salvador a pasa pa un “decada autoritar-io”, agregando cu e situacion “solamente por wordo supera cu un golpi di Estado militar y Taliban.”

## Segun ONU: Mas di 95% di hende muhe na Mexico ta victima di acoso sexual den transporte publico

(Infobae) - Ta existi dife-rente forma pa manifesta un acoso sexual, e trans-porte publico di Mexico a bira un neishi di agresor-nan pa hende muhe cu dia pa dia ta busca diferente medionan pa por yega na nan cas, trabou of scol.

Di acuerdo cu datonan di Organizacion di Nacionnan Uni (ONU) na 2019 na Ciudad di Mexico e 96% di hen-de muhe a bira victima por lo menos un biaha, di algun acto di violencia den trans-porte publico, indicando cu den 9 di e 10 caso e agresor ta hende homber.

Asina mes, datonan di En-cuesta Nacional tocante Din-amica di Relacion den Hogar



(ENDIREH) di 2016 ta se-ñala cu 66.8% di hende muhe cu a wordo consulta na e mo-mento ey a declara cu a bira

victima di acoso sexual den transporte publico.

Sea den e metro, trucknan,

bus, taxi of cualkier otro me-dio di transporte publico, dia pa dia, den menor of mayor medida, hende muhe Mexi-

cano victima di agresion cu ta bay for di palabranan of frase cu caracter sexual, sacamen-to di potret of video y hasta mishimento.

Na juni 2022, Gobierno di Mexico den un publicacion a señala cu acoso sexual na espacionan publico ta un di e manifestacionnan mas fre-cuente y normal di violencia contra hende muhe y mucha muhe.

Debi na e problematica aki, Senado di Republica a aproba unanimamente un reforma di Ley General di Acceso pa Hende Muhe tin un Bida Liber di Violencia, e cual ta tipifica acoso sexual contra hende muhe den transporte publico.



## Mama Cubano ta pidi ayudo: “Varios dia caba mi yiunan ta come awa cu sucu y pan so”

**(CiberCuba) - Un mama residente na Santa Clara a pidi ayudo ariba rednan social pa su tres yiunan, cu tin varios dia ta come unicamente awa cu sucu y pan.**

Den un publicacion ariba Facebook publica den e grupo “Cuba Denuncia Now”, Anels Rumbaut a manda un mensahe desespera pa pidi ayudo pa su yiunan, dos di nan malo, un cu ta sufrir di autismo y otro tin un malformacion den su pulmon drechi cu ta ocasiona problemanan respiratorio.

Rumbaut a splica cu su salario no ta yega pa alimenta e



infantenan y despues di acudi na bienestar social varios biha, e no a haya ningun respuesta.

E mama a expone e situacion critico cu e ta biba aden. Na final di december, e gobierno

di Villa Clara a dune un cas cu ainda no tin servicio di awa. Debi na esey el a pasadanan sin por baña su yiunan pasobra ora cu e yega for di trabou e awa cu e tubonan ta suministra no ta yega.

“Mi ta drumiendo riba vloer

riba un colchon pasobra mi tin un cama so. Mi ta cushina cu un cushina chikito electrico y ora cu mi caba e cuminda ta hopi laat y mi yiunan mester lanta trempan pa bay scol,” e mama a skirbi. Su condicionnan ta bira pio,

ademas, pa e inconsistencia di e servicio di coriente. “Casi tur atardi tin caida den e servicio di coriente door di cual un fan a daña y varios luz tambe, y niun hende a presenta pa soluciona algo,” el a bisa.

“Mi ta birando loco. Mi no por mas di tanto trabou cu mi ta pasando. Mi no tin nada, ni un stoel. E tiki cuminda cu mi tin ta daña pasobra mi no tin frigidaire. Mi djis mester pa nan yudami,” el agrega.

Centenares di mamanan ta acudi na rednan social pa pidi ayudo, medicamento, paña of material medico, na un sin fin di sectornan di e pais.

## Union Europeo y Estadonan Miembro ta ofrece agenda cultural pa conmemora luna di Hende Muhe na Venezuela

**(ElNacional) - Dentro di e celebracion di e Dia Internacional di Hende Muhe, cu cada aña ta wordo celebra riba dia 8 di maart, e delegacion di e Union Europeo hunto cu e Estadonan Miembro presente na Venezuela, a prepara un agenda cultural amplio cu lo extende te na luna di april.**

Cu e obhetivo di trece pa dilanti y pone balor na e diferente rolnan cu e muhenan ta cumpli ariba nan dia, UE, Alemania, Spaña, Francia, Italia, Hulanda, Polonia, Por-



tugal y Suiza, como tambe e Alianza Frances, e Goethe Institut y e Coordinacion pa Enseñansa Portugues na Venezuela, ta ofrece un pro-

gramacion varia cu cual nan lo reflexiona ariba e equidad y otro aspectonan vincula na genero.

Dansa, cine, musica, lec-

turanan di drama, conservatorio y literatura tey presente den e programa aki pa tur publico. Tur e eventonan aki lo wordo desaroya na diferente luganan di Caracas y tambe di e estado Merida.

Algun di e eventonan den e programacion aki ta inclui e develacion di un busto y un placa den honor di Wislawa Szymborska, poeta Polaco y ganadora di e Premio Nobel di Literatura na 1996, un encuentro interseccionl di hende muhe cu tin como meta duna vos, habri dialogo y comaprti historia di muhenan

den ambientenan social y cultural.

Ta bay tin e inauguracion di e di 8 edicion di e Festival di Danza La Movida cu ta un homenahe na e hende muhe y na sostenibilidad, ta bay tin e di tres Congreso Internacional Muhenan Lider pa Sostenibilidad 2023, organisa pa e Red Internacional di Promotores ODS y Lansamento di e convocatoria di “Mi Vida es de Pelicula”, un laboratorio online di historianan di bida dirigi pa muhenan pa e creacion di narrativanan audiovisual y editorial.

## Venezuela y islanan den Caribe Hulandes ta prepara pa reapertura di fronteranan

**(LaPatilla) - Autoridadnan di Venezuela y di e islanan di Caribe di e Reino Hulandes a celebra un reunion tecnico pa concretisa detayenan tocante e reapertura di e frontera maritimo comun, cu lo wordo realisa dia 3 di april cu Corsow y Boneiro, mientras cu pa Aruba esaki lo ta dia 1 di mei, e vice minister Venezolano pa Europa, Franklin Ramirez, a señala.**

A traves di su cuenta oficial di Twitter, e funcionario a informa cu e reunion tecnico constructivo cu autoridadnan nautico di e islanan aki, cu a tuma luga cu e meta pa tur



pais ta completamente prepara pa e reapertura di e fronteranan maritimo, den cual nan a alcansa e obhetivonan

plantia. “Nos ta cada dia mas cerca di e reapertura gradual di transito maritimo cu e islanan di

Caribe Hulandes,” Ramirez a agrega ariba e red social, unda cu el a comparti imagenan di e encuentro, realisa di

manera virtual.

Dia 25 di februari ultimo, e minister di Relacionnan Exterior Venezolano, Yvan Gil, a confirma e reconexion cu e islanan aki, despues cu nan a finalisa e negociacionnan cu Hulanda.

E frontera entre Venezuela y e islanan den Caribe Hulandes ta mantene restriccionnan desde februari di 2019 despues cu e lider opositor Juan Guaido a purba ingresa den territorio Venezolano e ayudo humanitario cu tabata acumula na Brasil y Colombia y e islanan di Corsow, Boneiro y Aruba.



## Deliberacion ta cuminsa pa acusadonan di asesinato di XXXTentacion



(AP) - Deliberacionnan cu hurado a cuminsa diaranson den e huicio di 3 hende homber acusa di e asesinato di XXXTentacion durante un atraco den aña 2018. E abogado di e acusado cu supuestamente a los e tiro fatal a argumenta cu evidencia di DNA na e sitio ta comproba cu su cliente y otro acusado ta inocente.

Abogado Joseph Kimok a duna e defensa final den argumentonan di ciere durante e huicio di e 3 hombernan

acusa di asesinato, bisando e hurado cu e DNA cu a ser haya riba e curpa y cadena horta no ta di su cliente, Michael Boatwright, ni tampoco di e di e otro dos acusadonan Trayvon Newsome y Dedrick Williams.

“Kien sea cu XXXTentacion a lucha cune no ta den e sala di corte aki,” Kimok a conta huradonan. “E DNA ta comproba cu un persona cu no ta Michael Boatwright ni tampoco Trayvon Newsome a participa den e asesinato aki.” Un di 4 persona a declara su mes culpabel aña pasa y a

testigua den contra di su ex amistadnan. Abogado pa tur tres acusado a bisa cu e persona en cuestion ta gañando tocante nan cliente su rol den e robo y asesinato, di cual 50,000 dollar a ser horta.

Tambe nan ta bisa cu e detectivenan a hinca man den e investigacion, fayando den considera cu tin otro sospechosonan incluyendo e rapper Canades Drake, cu ken XXXTentacion aparentemente tabatin problema online.

Fiscal lider den e caso Pascual Achilles a bisa den su argumento di contradiccion diaranson cu Allen no ta un testigo perfecto, cu e tin cargonan anterior sinembargo tambe a nota cu sospechosonan den asenatonan rarabes ta perfecto. “Plannan cu ser crea den fierno no tin angelnan como testigo.”

Achille tambe a aclara cu aunke detectivenan nunca a haya e arma, placa ni mascara usa, solamente Williams

a keda aresta diana despues di e asesinato, dunando e otro sospechosonan tempo pa sconde evidencia. Tambe el a comenta cu e falta di evidencia di DNA ta irrelevante pa motibo cu e esaki no ta exclui nan. Di mas importancia ta e hecho cu data di nan celular ta muestra cu e sospechosonan tabata hunto den e area unda e asesinato a tuma luga, ademá, data di bluetooth a indica cu nan tabata den e SUV cu a ser usa pa scapa for di e escena.



## Yiunan di Prins Harry y Meghan oficialmente reconoci como Prins y Prinses



(TMZ) - Yiunan di Meghan Markle y Prins Harry su titulo real tin lunanan largo den aire. Awo e Duke y Dukesa di Sussex a laga nan curason su deseo cla; Nan kier pa nan yiunan keda reconoci

como conecta na e trono, cual Rey Charles awo lo honra di manera oficial.

Harry y Meghan a revela cu nan a bautisa nan yiu muhe Lilibet siman pasa na California durante un ceremonia

intimo. Den e anuncio, nan a nota cu Lilibet a ser bendiciona y lo ser reconoci como “Prinses Lilibet”, cual ta un actualisacion na con lo referi na e Prinses publicamente.

E Prinses a ser bautisa pa



John Taylor. Aparentemente, Charles, Camilla, William y Kate a ricibi un invitacion na e ceremonia aki, sinembargo nan no a asisti na esaki.

Den bista cu Meghan y Harry awo lo usa nan yiu muhe su titulo, na cual e tin derecho, Buckingham Palace a responde y a bisa cu riba nan sitio web lo actualisa e titulo pa Lilibet y Archie. Mientras Harry y Meghan

publicamente no a bisa nada tocante nan yiu homber especificamente, aparentemente e palacio a tuma e movida aki como un evidencia cla cu nan kier pa ambos di nan yiunan carga e titulo real oficial, na luga di dirigi na nan como Master Archie y Miss Lilibet.

Oficialmente, lo dirigi na nan como Prins Archie y Prinses Lilibet.



## Organisacion 'Stop the Violence' ta introduci proyecto nobo cu hobennan

**Diamars dia 7 di Maart na The Old Cunucu House, a tuma luga un conferencia di prensa na unda e organisacion 'Stop the Violence' a introduci nan proyecto nobo pa maneha e aumento di violencia na Aruba. Durante e conferencia, a menciona e diferente actividadnan cu lo wordo organisa den e prome fase di e proyecto.**

Representante di e organisacion Xiomara Hernandez Perdomo, hunto cu representante di Departamento di Cultura y comerciantenan local a conduci un conferencia di prensa unda Perdomo a expresa e deseo di e organisacion pa combati violencia entre hobennan y en general riba e isla.

El a splica cu e organisacion 'Stop the Violence' ta conoci rond mundo, mirando cu ya nan a traha den diferente paisnan den Europa, Latino America y tambe den Caribe.

For di aña 2019 nan tabata plania di introduci e proyecto aki na Aruba, pero mirando cu e situacion di Covid-19 a drenta, e proyecto a wordo posponi. Awo cu e situacion a calma basta, al fin e organisacion por a tuma e proximo stap den nan proyecto.

Perdomo a expresa e plan pa e proyecto aki, cual ta inclui nan deseo pa trece educacion bek riba norma y balor pa hobennan; nan deseo pa planta un mata na cada scol pa simbolisa e cultiva di norma y balor, amor, respet y cariño pa otro; nan deseo pa recauda aporte di gobierno di Aruba pa duna mas atencion riba e situacion di violencia riba e isla y pa colabora cu organisacionnan local pa trece educacion y yuda combati violencia.

E proyecto ta consisti di varios fase, den cual e prome lo tin diferente tayer y curso pa hobennan y diferente forma pa recauda fondo pa sigui



combati violencia. Manera Sra. Perdomo a splica, e puntanan cardinal di e proyecto ta pa 1. Papia cu hobennan den gang pa compronde nan situacion y con nan a yega na e punto ey; 2. Pa cuminsa cu proyectonan mas sano pa nos hobennan; 3. Pa trece mas entusiasmo den hoben pa drenta den Union y institucionnan importante manera Cuerpo Policial, Brandweer etc.; 4. Pa trece educacion no solamente na scol, pero tambe na cas; 5. Pa duna atencion y guia pa esnan cu kier wordo scucha of compronde y 6. Pa enfoca riba e importancia di comunicacion entre otro pa evita violencia.

Un di a gran desafionan di e organisacion pa e proyecto ta e falta di fondo suficiente pa por percura e miho recurso nan y cuido pa e hobennan den e proyecto. Pa esaki, Sra. Perdomo a expresa cu e organisacion tin varios manera pa recauda fondo, cual ta inclui bendemento di T-shirt,

competencia di video mensahe, hersengymnastiek y un "Banner y Sticker Aktie", den cual tur e comunidad di Aruba por participa pa contribui na e causa aki.

Robert Maduro di Departamento di Cultura a expresa e aporte di e instituto pa e proyecto, remarcando cu ta importante pa educa hobennan di e norma y balornan di nos cultura, ya cu cada cultura ta trece cune un mentalidad. Tambe el a expresa cu e meta ta pa "hiba asistencia profesional pa e hobennan."

Tambe presente na e conferencia tabata tres comerciantenan local cu tambe a ofrece nan apoyo na e organisacion y e proyecto. Melvin Boekhoudt di Hyper Design Productions y Sandra Reyes di Reyes Body & Welding Shop a expresa e importancia pa comerciantenan uni pa combati e epidemia aki riba e isla, remarcando cu e proyecto aki ta "un potencial grandi cu tin

cu explora."

Tambe presente tabata Chaldira Vis, ken ta un victima di violencia. Durante e conferencia, Vis a conta un tiki di su experiencia ora Perdomo a acerc'e pa e proyecto y el a enfatisa cu e organisacion tin su apoyo "all the way".

Pa finalisa, Sra. Xiomara Perdomo a gradici e gerente di The Old Cunucu House, Arturo Oduber, pa por a anfitrióna e conferencia na e restaurant y na tur sponsornan cu a duna aporte pa e proyecto. Tambe el a subraya e importancia di e rol cu e comunidad, gobierno y otro instancianan tin den e lucha contra violencia. "Bo por kibra mi pia y man, pero nunca mi bos," el a sigura.

Pa mas informacion, por tuma contacto via telefon na 7439916. Pa locual ta encera entrega di video mensahe, por manda esaki na 5601065 y 5697477.



## Departamento di Aduana ta felicita un grupo di colega cu a cumpli 30 aña di servicio

**Departamento di Aduana ta felicita un grupo di colega cu recientemente a cumpli 30 aña di servicio.**

Diabierna ultimo 3 maart 2023, den presencia di Minister di Financia, Sra. Xiomara Maduro, Director Departamento di Aduana, Sr. Rodrick Croes, Chefnan, Management Team como tambe

invitadonan, a haci entrega di un decreto gubernamental y un regalo na nos coleganan cu a cumpli 30 aña den servicio di Aduana.

Un palabra di felicitacion ta bay pa coleganan: Arlinda v/d Biezen; Ivette Semerel; Wilfrida Croes; Vivian Geerman; Omaira Franken; Tania Sint Jago; Tina Croes; Raquelita

Tromp; Maribel Nuboer; Reyna de Cuba; Mildred Peña y Jacky Oduber.

Departamento di Aduana ta gradici nan coleganan pa e lealtad, amor y dedicacion, trahando na bienestar di nos isla y ta desea nan exito, perseverancia y sabiduria pa sigui cu nan carera. Masha pabien!





*Tienda di educacion:*

## Un bida di un mayor balansa tambe tin beneficio pa e yiunan



Como mayor nos tin diferente tarea pa cumpli cu ne den nos bida diario. Como mama of tata nos deber primordial ta pa provee proteccion y alimentacion. Apart di esakinan, stimacion y tambe cariño ta hopi esencial. Pero nos no mester lubida riba locual ta mas importante pa nos propio bienestar, cual ta cuida propio y esaki ta encera un bida balansa.

Hopi di nos como mayor ta pone nos mes na di dos lugar, lubidando di pone atencion na nos necesidadnan prome

pa despues por brinda nos yiu(nan) e debido atencion. Aki ta unda cu nos di Stichting Tienda di Educacion kier para keto na e tema di luna pa asina conscientisa mayornan di e importancia di biba un bida balansa como mayor.

### Con un mayor por biba un bida balansa?

E contesta pa e pregunta aki ta encera cu un mayor lo mester domina e habilidad di por siña bisa NO ora ta necesario. Pues e lo por causa confusion y lo por laga un persona sinti incomodo. Esencial den esaki ta cu ta pone prioridadnan responsabel como persona y

ta tuma decision segun e escogencia aki. Un otro aspecto pa biba un bida den balansa ta siña pone limite.

Un siman tin 7 dia, cada dia ta consisti di 24 ora. Bisando esaki nos como mayor mester para keto na e hecho cu tempo ta valioso y pues nos mester inverti conscientemente. Inverti den nos mes, inverti den nos yiu(nan), inverti den

locual ta haci nos feliz. Reflexiona tur dia y evalua kico por bay otro of miho pa un siguiente ocasion. Corda sea realistico na tur momento.

### Inverti awe pa beneficia mañan

Inverti den nos mes, inverti den nos yiu(nan) y inverti den locual ta haci nos feliz. Reflexiona tur dia y evalua kico por bay otro of miho

pa un siguiente ocasion. Ta un ehempel pa nos yiu(nan). Muchanan lo imita nos mas di locual nos ta haci cu locual nos ta bisa. Pues sea consciente di nos actonan, nan lo ripiti nos comportacion den un futuro cercano. Esaki ta motibo cu mayor y educador tin un tarea esencial den bida di muchanan. Sea un bon ehempel pa nos future generacion nan.

Pa pregunta con por trece un balansa den bida como mayor Yama 161 cual ta Tienda di Educacion di dialuna pa diabierna entre 8 am – 6 pm. Tienda di Educacion ta specialisa den duna guia y sosten na mayor of educador durante e desaroyo di un menor entre 0 – 18 aña. Tienda di Educacion ta situa den edificio di Centro Pa Hoben y Famia, Sabana Blanco 68-C. Por contact Tienda di Educacion di dialuna pa diabierna via 161, Facebook Messenger of e-mail [info@tde-aruba.com](mailto:info@tde-aruba.com). Pa semper por keda informa like y follow e Facebook & Instagram Page. Tambe por bishita e Website y YouTube Channel pa mas informacion.

Corda cu locual cu bo planta awe, bo lo cosecha mañan.

*Skirbi pa Robert Arends*

## 75% tin sobrepeso ?

Ora kier pone ehemplo ( positivo o negativo ) pa pueblo tene cuenta o pa pueblo cambia su situacion , semper ta bon pa duna un o mas bon

ehemplo tambe.

Den caso di sobrepeso , ta asina dificil pa SALUBRIDAD publica si e sobrepeso na DVG ( di tur empleado )

, na Consoho di Minister ( di tur Minister ) y na Parlamento ( di tur Parlamentario ) ta cuadra o no ta cuadra cu e 75% aparentemente di pueblo di Aruba ?



Disclaimer: Opinion ta un seccion di Bon Dia Aruba specialmente pa brinda oportunidad na lectornan individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organizacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

## MAESTRO BENJAMIN

**MAESTRO BENJAMIN, UN MAESTRO CU DI BERDAD TA PARA SUFRIMIENTO**

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

-E ta kita bruheria, hechizos, daños y tambe e ta dera maldicion y salamientos.  
-E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento p'abo cu lo curabo den un tempo cortico. 'Mi ta cura problema di addiction di droga y alcohol y mi ta recupera bo ser keri sin importa e tempo of e distancia'.

No sufri mas den silencio, pa tur problema tin un solucion y pa tur enfermedad tin un sanacion. Trabou ta 100% garantisa y den un poco tempo.

Yama awe mes of manda un whatsapp na 641.4186 pa traha bo afspraak.

**CEL/ 641-4186**



## Santa Rosa ta transforma area seco den plantacion di banana y bacoba

Recientemente riba su pagina di Facebook, Departamento di Agricultura, Cria y Pesca, Santa Rosa a comparti dos potret. Uno saca na 2020 y e otro actual, mustrandó con nan a transforma un area seco den un plantacion.

“Asina na Santa Rosa, nos mes a planifica pa poco poco crea mas plantacion y area nan berde cu por aporta cu fruta/berdura, matanan chikito y simia natural pa bende cu nos cunukero-

nan”, a indica riba nan post. “Pero e parti mas importante ta pa mira un area cu tabata hopi seco transforma den un bunita plantacion di matanan di bacoba y banana.”

Ademas, Santa Rosa ta indica cu ta usa practicanan sostenible den nan plantacion: “Pa mantene nan asina bon cuida, nos ta recicla tur awa di e stalnan di Porco cu ta wordo colecta den un tanki y via pomp esaki ta wordo usa pa irigacion di diferente areanan di plantacion.”



## Durante control di trafico, persona sin rijbewijs tambe tabata indocumenta

Pa alrededor di 4:55pm riba diamars, chauffeur di un vehiculo Toyota Double Cabine color preto a keda deteni durante un control di trafico cerca di Pos Chiquito pa verifica cu ta cumpli cu normanan di transito.

A resulta cu e chauffeur di e auto no por a presenta un rijbewijs valido, locual ta castigable segun articulo 10 paragraf 1, en conhuntó cu arti-

culo 21 di Ordenansa Nacional di Trafico riba Caminda.

Como resultado, a aresta e chauffeur y a transport’e na warda di polis na San Nicolas. Aki tambe a bin resulta cu e chauffeur ta un Venezolano cu a yega Aruba na 2016, y te na e fecha actual no tabatin permiso di residencia. A pasa e persona over na Guarda Nos Costa kende a bay cu e sospechoso.

Potret ilustrativo.



## Ministerio Publico lo bende varios boto na findishi fin di luna

Ministerio Publico lo bende diesdos boto na findishi riba diabierna 24 di maart 2023. Ta trata di botonan cu ta na Marinierskazerne na Savaneta. Tur ta boto cu a cay den man di Kustwacht. E botonan aki no tin mester di wordo warda mas y por wordo bendi na esun cu ofrece mas cen pa nan.

Mescos cu tempo a bende botonan den añanan anterior, bo persona tin cu inscribi di antemano na Ministerio Publico. Esakinan ta e reglanan:

Bo por inscribi te diabierna 17 di maart 2023 na Ministerio Publico via [ann.angela@omaruba.aw](mailto:ann.angela@omaruba.aw). Bo por opta tambe pa yama Sra. Angela na Ministerio Publico na tel. 521-4135. Despues di 17 di

maart 2023 INSCRIPCION TA CERA.

Ora di inscribi mester inclui:

- Nomer
- Fam
- Fecha di nacemento
- Pais di nacemento
- Number di ID (di bo ID, paspoort of rijbewijs)
- Number di telefon.

Unicamente personanan cu a inscribi na OM mag di meld riba 24 di maart 2023 pa 10or di mainta na entrada di Marinierskazerne pa wak e botonan y duna un oferta por escrito riba e boto cu nan ta desea pa cumpra.

Ora bo presenta na porta di Marinierskazerne, bo mester muestra e mes ID cu bo a inscribi cune. Si bo no tin esey cu bo, bo lo no haya entrada.

Muchanan no por drenta.

Si bo persona resulta esun cu a haci e oferta mas haltó, lo tuma contacto cu bo. Despues bo por pasa e placa na banco. Pago por solamente via TRANSFERENCIA BANCARIO. Bo mester pasa placa na banco. No por swipe ni paga cu cash mas.

E boto ta wordo entrega un- abes muestra e recibo di pago, e contrato di compra y e ID di e comprador.

E comprador lo wordo informa despues tocante e fecha cu e por busca e boto. Ministerio Publico no ta duna ningun garantia riba e estado di e botonan. E benta ta bay ‘as is where is’. E comprador mes ta percura pa transporte.





## Autoridadnan Hulandes kier usa base di dato priva di DNA pa casonan cu no a cera ainda



(NLTimes) - Autoridadnan na Hulanda lo sigui cu plan pa usa base di dato priva di DNA pa yuda resolve casonan criminal serio unda cu no a haci ningun avance. Ministerio Publico (OM) y Netherlands Forensic Institute (NFI) tin plan di usa e base di dato di DNA for di agencianan comercial cu ta colecta e muestranan aki di clientenan cu kier haci investigacion genetico.

Autoridadnan ta spera cu nan lo por usa un rango mas amplio di muestranan genetico pa por haya fa-

miliarnan cercano of distante di personanan involucra den crimen, nan a anuncia dialuna. “Na Merca, e metodo aki a ser usa prome den aña 2018, y ya caba a causa un avance den mas o menos 550 caso cu tabata stanca,” OM a splica. Tambe nan a alega cu autoridadnan di Suecia a usa e metodo pa resolve un asesinato den aña 2004 y cu investigadornan Noruego a logra resolve un caso di aña 1999.

OM y NFI kier a cuminsa cu dos casonan Hulandes unda ta trata di asesinato pa mira si e metodo tambe lo causa un avance na Hulanda. No a

revela detaye di niun di e dos crimen, sinembargo tin material di DNA di un sospechoso desconoci den un di e caso, y e otro caso ta trata di un victima cu te ainda no a identifica. “Si e test ta exitoso, ciertamente nos lo mira posibilidad di usa e metodo aki den otro casonan sumamente serio cu ta cumpli cu e criterio necesario pa haci uso di e metodo aki.”

Pa awo, OM y NFI lo usa e base di

dato di DNA di GEDmatch y FamilyTreeDNA, dos compania comercial na Merca. Nan a selecta e negoshinan aki pa motibo cu hopi persona Hulandes ta manda nan dato pa motibo cu hopi di e residentenan na Merca tin raiznan Europeo. Adicionalmente, nan ta permiti nan usuariannan duna nan consentimiento pa permiti autoridadnan usa nan DNA pa yuda resolve investigacionnan criminal.



## Prome Minister Evelyn Wever-Croes: Den number di paisnan den Reino Hulandes, Prome Minister a dirigi un discurso den e debate general CSW 67 na Nacionnan Uni

**Na Nacionnan Uni, New York ta tumando lugá e debate general CSW 67, Commission on Status of Women. Un biaha mas, Prome Minister ta lidera e delegacion di Reino Hulandes. Diamars atardi, Prome Minister a dirigi su discurso riba e tema di Hende Muhe y Tecnologia enfatisando kico Aruba ta haciendo pa promove participacion di hende muhe den e area di tecnologia y innovacion.**

Durante su discurso, Prome Minister a enfatisa riba e impacto cu e transformacion pa digitalisacion tin riba e bida diario di cada persona. E transformacion aki a trece cu ne hopi oportunidad pa loke ta trata igualdad di genero pero tambe hopi riesgo. E ta keda na nos como hende muhe pa probecha di e oportunidadnan cu innovacion digital tin pa ofrece. E representacion di hende muhe den STEM, ICT Y R&D ta hopi crucial mirando cu ainda es-

akinan ta ser domina pa e ser masculino.

Prome Minister a splica cu mundo henter ta confrontando retonan grandi pa cu inflacion y cambio climatico y a realiza cu e contribucion di tur genero ta necesario pa por enfrenta e retonan. Pa cu esaki mester uza e potencial grandi cu hende muhe tin den esaki. Hende muhe y mucha muhe tin potencial grandi pa contribui na un futuro berde y digital lagando niun hende atras y p'esey nan participacion igual den esaki ta necesario.

Na Aruba, e laboratorio nacional di innovacion, tin como meta pa crea interes di mucha muhenan jong pa sigui un carera den ciencia, tecnologia, ingenieria of matematica. Universidad di Aruba tambe a establece un programa di Bachelor, Master y PHD cu enfoca riba desaroyo sostenibel pa e islanan chikito den desaroyo (SISSTEM) cu actualmente

ta consisti di un participacion di 56% di hende muhe.

“Tecnologia ta e caminda pa futuro y ta e area cu hende muhenan casi no ta repre-

senta. Awor ta e momento pa nos enfoca y crea mas oportunidad pa hende muhe den e area aki, y sostene participacion di hende muhe den e area di tecnologia. Sino, nos

lo perde tur e avansenan cu hende muhenan prome cu nos a logra. Hunto nos por logra esaki”, Prome Minister Evelyn Wever-Croes a enfatisa.





## Presidente di IOC, Thomas Bach ta yega Aruba diabierna awor 10 di Maart

E siman aki, e comunidad deportivo di Aruba ta ancioso pa ricibi e mandatario mas halto di deporte na Mundo, esta Sr. Thomas Bach, presidente di Comité Olímpico Internacional (IOC). Hunto cu Sr. Bach lo bini tambe un delegacion di ehecutivonan di Panam Sports y Olympic Solidarity.

Pero ken realmente ta Sr. Thomas Bach?

Sr. Thomas Bach ta naci 29 December 1953 na Alemania y ta di profesion abogado como tambe un ex-miembro di e ekipo Olimpico di esgrima y medayista di Oro Olimpico den e Weganan Olimpico di Montreal.

Sr. Thomas Bach ta den su 9 aña como presidente di Comité Olímpico Internacional (International Olympic Committee) esaki desde 10 di september di aña 2013. Bach tabata tambe un miembro di comité di ehecutivo di e Confederacion Olimpico Aleman. Bach ta tambe e prome campeon Olimpico



cu a keda eligi como presidente di Comité Olímpico Internacional.

Sr. Thomas Bach a keda eligi pa un termino di 8 anja como IOC President na e 125th IOC Session na Buenos Aires, Argentina na september 10 di anja 2013. Cu 49 voto den e ronda final, e la sigura e votonan mayoritario y a keda eligi. Bach a reemplaza Jacques Rogge cu a sirbi como presidente di IOC for di 2001 to 2013. Bach a wordo reeligi pa su di dos termino como presidente na e 134th IOC Session esaki na 2019 y lo keda te cu 2025. Durante su presidencia te cu awor, Sr. Thomas Bach a wordo reconoci cu diferente honor pa su excelente trabou

desplega den deporte esaki rond mundo, por ehempel na Polonia, Grecia, Tunesia, Spaña, Sur Korea y Hapon.

Actualmente Sr. Thomas Bach hunto cu un delegacion di miembronan di e comité di ehecutivonan di Panam Sports y Olympic Solidarity ta den un gira den Centroamerica y Caribe unda nan ta bishitando varios pais, incluyendo Aruba e weekend binidero. Presidente Bach ta bishitando e paisnan/islanan den Caribe caminda tin miembronan di Comité Olímpico Internacional. E ta bishita nan y e NOCs di e paisnan.

Texto y potret di Comité Olímpico Arubano.

## Dos luna di prison pa fanatico di PSV cu a ataca portero di Sevilla



(NLTimes) – Un homber di 20 aña for di Roermond, kende a ataca e portero di Sevilla durante un partido entre PSV y e club Spaño dia 23 di februari, a keda sentencia cu tres luna den prison, di cual uno ta suspendi.

E corte na Oost-Brabant tambe a impone un prohibicion di dos aña di drenta of acerca e stadion Philips na Eindhoven ora PSV ta hungando partidonan na cas. E sostenedor di PSV a subi

e cancha den etapanan final di e partido y a ataca portero Marko Dmitrovic. E portero a defende su mes y a tira e homber riba suelo. Guardianan di seguridad rapidamente a bay cune.

PSV despues a revela cu e sospechoso, Dylano K., no mester tabata den e stadion pa cuminsa – e municipalidad di Eindhoven a pone un orden di alehamento riba dje despues di dos violacion relaciona cu futbol.

## Apertura oficial di Copa San Nicolas 2023



Weekend ultimo, Minister Endy Croes a presencia e gran apertura di Copa San Nicolas 2023 y Torneo 40 plus na veld di Madushi Stars. Copa San Nicolas 2023 ta organisa pa Crush Power Softball Team. E

aña aki ta e 21 edicion di Copa San Nicolas y ta dedica na Sr. Petrus Geerman y Sr. Ronnie Geerman.

E torneo a cuminsa dia 4 di maart y lo finalisa dia 23 di april. Durante 7 siman largo



comunidad di Aruba por disfruta tur diasabra y diadomingo di wega di softball riba veld di Madushi Stars. Un total di 14 ekipo ta participa den e dos torneonan; di cual 6 ekipo den Copa San Nicolas 2023 y 8 ekipo den e Tor-



neo di 40 plus. Endy Croes a tira prome bala pa asina duna inicio na e torneo. Concluyendo, Minister Endy Croes ta manda palabranan di pabien na Crush Power Softball Team cu apertura di un excelente campeonato. Man-

datario di Deporte ta desea ekipo cu ta participando hopi exito. Minister Endy Croes ta invita y encurasha comunidad di Aruba pa bishita Madushi Stars den fin di siman pa duna sosten y apoya nos deportistanan.



Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

## BISTA POLITICO

*Drs. Mervin Wyatt-Ras (AVP):*

### Gobierno mester informa mas di e proteccion di data cu kier bin cune den Rijkswet



E parlamentario di AVP a resumi algun di e topiconan cu a trata durante e di dos jornada di IPKO

e siman aki na Corsou. Un cu sigur a resalta ta un presentacion cu a bin di sorpresa tocante protec-

**cion di data como parti di e Rijkswet. Representanten di Aruba, mescos cu di otronan islanan den Caribe Hulandes a reaciona riba e informacion inespera aki y a conclui cu mester di mas informacion prome cu por formula un posicion riba dje.**

Tabatin discusion entre diferente grupo di trabou caminda a papia di pobresa y empleo cu tur e paisnan di acuerdo cu pobresa a aumento door di pandemia, pero tambe door di e condicionnan cu tin inclui den e Landspakket duna na e islanan di Caribe Hulandes.

Pa loke ta enseñansa, a manifesta cu mester di, ademas di un miho supervision y regulacion riba e diferente scol cu ta lantando den e paisnan manera paddenstoel. “Ta importante pa keda papia di

enseñanza pasobra ta un parti di e landspakketten cu ta bin dilanti,” segun Wyatt-Ras. Mescos ta conta pa e topico di clima y medio ambiente. Den e ultimo aki ta boga pa mas conscientisacion riba cada pais y cooperacion entre tur.

Durante e consulta interparlamentario bi anual, no tur pais ta di acuerdo cu loke nan a haya pa tende tocante proteccion di data. “Nos a haya nos confronta cu un presentacion sin informa pakico of dicon,” Wyatt-Ras a indica; pa cual a palabra cu ta bay back na cada gobierno pa puntra exactamente kico ta loke nan kier cu esaki.

Entre e preocupacionnan di e parlamentario tin e informacion priva di bo ciudadano y e peligro di esaki. Mester salvaguardia nan seguridad y mester ta hopi cla kico e ta, segun e parlamentario di AVP. Isla-

nan ta haya e impresion cu a base di e Landspakket kier atende cu cierto topico den IPKO, pero no por laga Hulanda impone, mientras cu di nan banda, islanan CAS tambe tin aspectonan cu nan ta haya ta importante pa atende y no cu e ta bin riba agenda riba instruccion di Binnenlandse Zaken (BZK).

Asunto cu ta regarda e informacion priva di ciudadanonan ta hopi delicado y nos kier haya tur informacion di gobierno. Topico di proteccion di data como parti di Rijkswet ta algo cu AVP ta pidi Gabinete Wever-Croes II pa bin Parlamento papia di dje.

Mester salvaguardia e privacidad di nos ciudadanonan. Gobierno mester comparti cu Parlamento kico e idea tras di proteccion di data den Rijkswet.

*Parlamentario mr. dr. Rygond Santos do Nascimento:*

### Mi a afilia mi mes na AVP, pasobra AVP ta un partido cristian democrata

**Nos ta biba den un tempo cu ta anti-religion. Nos a mira Miguel Mansur pidi pa declara religiosonan pa persona non grata, revocanan permiso di estadia y deporta nan. Milton Ponson a yama nan taliban di Aruba, mientras cu otronan ta yama tur religioso anticua y ignorante.**

Algun dia pasa partido AVP a post e siguiente mensahe riba su pagina di Facebook: “Locual Dios tin p’abo niun hende por kite.” Mesora un grupo cu ta yama su mes AMEN (Atheist Movement & Education Network) a contesta riba FB: “Ridicules. Partido politiconan tin cu siña mantene nan creencia leu di politica, y stop di duna hende speranza fofo. Ningun dios tin pa’bo. Ta abo mes tin cu lanta tur dia y traha pa logra locual bo kier. Asina nos ta hiba nos pais dilanti cu resultado berdadero. Nos si ta duna tips valioso cu bo por haci algo cu ne. No depende

riba un ser ficticio pa logra bo metanan.”

Locual e ateistanan ta lubida ta cu hopi biaha nos tin miedo. Nos no kier enfrenta nos retonan. Bida ta caotico y p’esey ta dificil pa nabega bida. Pero un cristian democrata sa cu un filosofia di bida ta yuda enfrenta e realidad caotico. Un filosofia di bida ta yuda combati nos ansiedad, regula nos emocion y guia nos den nos relacionnan diario. Sin un filosofia di bida, bida no tin proposito y nos ta sinti nos mes bashi, perdi y hasta desespera. Esaki no ta conta solamente pa nos bida personal. Den politica ta mescos: nos mester tin un filosofia politico pa nos nabega e realidad politico, sino nos ta bira manera un sinfin di politico cu ta djis grita algo pa agrada e publico. Mientras tanto e politico ey mes no tin alma ni principio.

Ami a kies pa ta un cristian democrata. Mi pensamiento

politico ta basa riba ideanan cristian. Mi ta kere cu Bijbel ta un fuente importante di inspiracion pa nos accionnan politico. Mi ta kere cu un ser humano ta un ser social cu un necesidad pa crece, desaroya y florece. E desaroyo ey solamente ta posibel ora nos ta conecta cu otro, respetando e dignidad cu Dios a duna cada persona. Pa por desaroya nos mester tin libertad pa por scoge con nos ta duna contenido na nos bida, sin perde for di bista e derechonan di otro. P’esey cuido pa cu nos prohimo, e maneho responsabel di nos naturalesa y recursonan y e cuido di nos organisacionnan civico – manera famia, Iglesia y empresanan – ta di suma importancia. Na final di dia un cristian democrata ta kere cu Dios tin un plan pa cada un di nos por alcanza nos maximo potencial.

Como cristian democrata mi ta kere cu nos mester percura pa organisacionnan civico

ta fuerte y independiente. Mi tin un fuerte conviccion cu un comunidad fuerte ta consisti di organisacionnan civico solido. Gobierno mester respeta y apoya e responsabilidad personal di cada un di e institucionnan aki. Gobierno tin e solo tarea di apoya, sostiene y facilita e comunidad consistiendo di famia, Iglesia y empresanan, pa funciona debidamente. Ta ora e organisacionnan den sociedad civil no ta funciona

adecuadamente gobierno tin un responsabilidad pa actua. E ideanan aki nos por resumi den tres palabra: autonomia, subsidiaridad y solidaridad.

Mi speranza ta cu nos por comparti e conviccionnan aki, pa asina hunto nos crea un sociedad cu un base firme; un sociedad cu ta activa cada persona pa crece, desaroya y florece!





Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

# BISTA POLITICO

*mr. dr. Ryçond Santos do Nascimento (AVP):*

## Minister Endy Croes ta monta un show cu lotto pa gaña wow'i hende

**“Claramente Endy Croes ta biba den un mundo di fantasia,” esey ta e conclusion cu parlamentario mr. dr. Ryçond Santos do Nascimento a yega na dje despues di a mira e conferencia di prensa cu e titular di deporte a duna na inicio di e siman aki.**

Croes kier profila su mes como e libertador di Fundacion Lotto Pa Deporte (FLPD) mey mey di un show caminda a uza e himno di Aruba y un film pa purba convence hende cune, sigui pa su discurso. Te hasta a bin cu cifra falso di cuanto Canada tabata y ta bay keda cune como comision.

Santos do Nascimento: “Ta ora pa nos realisa nos mes cu Endy Croes no ta su so. E no ta su so den e mundo di fantasia, di fabula; e no ta su so den e mundo di storia. Den nos politica tin tanto storia yen di heroe y hasta spirito. Esey ta locual nos ta bibando aden. Pero a bira ora pa lanta fo'i soño, pasobra e realidad

ta cu si Fundacion Lotto pa Deporte mester di un hende pa salb'e, esey no ta Endy Croes, pasobra e tin custom-banan straño.”

Durante e conferencia di prensa semanal di Partido di Pueblo Arubano (AVP) teni pafo di edificio di Fundacion Lotto Pa Deporte den Paardenbaaistraat, e parlamentario a mustra e famoso rapport di Ernst & Young cu Endy Croes ta bringando actualmente den corte pa haya mas cu 3 miyon florin. Si Endy Croes gana e caso, ta FLPD mes ta esun cu lo mester paga e suma aki na e minister. Cu el a entama e caso aki ta, riba su mes, un conflicto di interes. E ta un conflicto di interes, falta di integridad propio y falta di seriedad pa cu integridad publico cu e bendicion di Evelyn Wever-Croes.

E parlamentario a splica cu e rapport ta bisa, entre otro, cu ora cu Endy Croes tabata na cabes di Fundacion Lotto pa Deporte, el a percura pa cera

contract cu Quality Promotions, cu Quality Marketing & Entertainment; a percura pa tin contract cu Ecro Real Estate & Construction, contract cu Sofienne Holding, Radio FM 95 N.V. y Solo di Pueblo, ademá di Edmond Croes Broadcasting Company y Papa Johns Pizza.

Basa riba esey, e rapport ta indica: “Uit de financiele administratie pa FLPD is gebleken dat in de onderzoeks periode door FLPD ruim 5 miljoen is betaald aan bedrijven van de heer Edmond Croes en/of direct aan de heer Edmond Croes.” For di e administracion financiero di Fundacion Lotto Pa Deporte a saca afo cu den e periodo cu a investiga, Fundacion Lotto Pa Deporte a paga mas di 5 miyon florin na e companianan di Edmond Croes y/of directamente na señor Edmond Croes.

E argumento di Endy Croes no ta cu e no a haci loke e rapport ta bisa, pasobra ya esey a keda proba y sentencia



na tur nivel di corte. Loke e actual minister ta bringando, ta e suma; esta cu no tabata mas di 5 miyon florin, pero 3 miyon y algo. Kier men ta hungando, segun Santos do Nascimento, un wega grandi di cu e ta victima y na mesun momento e libertador di Fundacion Lotto Pa Deporte. “Si nos, como pueblo, no tin durf di papia e berdad; ken ta bay papie? Si nos no tin durf di papia e berdad cu autoridatnan, con nos autoridatnan ta bay cambia?” Ta pregunta cu e parlamentario di AVP ta haci. “E ta na nos con

nos kier biba nos bida, si nos kier tin miedo of lanta para y exige cambio den gobernacion, cambio den e manera con ta goberna e pais aki.”

Aruba no merece fabula, ni spirito, ni pelicula di terror, pero seriedad y capacidad, invertiendo den e futuro di e pais aki. E unico manera cu e pais aki ta bay cambia ta si nos como pueblo ta lanta y transforma e pais aki. “Pasobra nos no por mas, nos no por afford esaki mas pa otro 20 aña. Ta imposibel,” asina e parlamentario a finalisa bisando.

*Parlamentario Ricky Hoek (MEP):*

## Frontera cu Venezuela, BSN pa studiantenan y colonialismo ta topiconan cu a bin dilanti durante IPKO

**Riba dialuna 27 di februari 2023 e respectivo Parlamentonan di Sint Maarten, Corsou y Aruba a tene**



**nan prome reunion di Tripartite. Den e mesun siman aki di 28 di februari pa 3 di maart 2023 a tene e reunionnan di IPKO (Interparlementair Koninkrijksoverleg) na isla di Corsou.**

### Tripartite

Den e reunion di Tripartite a discuti e temanan cu a wordo treci dilanti door di e islanan, cu ta entre otro e fluho migratorio den reino y e concepto di un geschillenregeling. E topico di e fluho migratorio ta relaciona na e habrimento di frontera cu Venezuela proximamente. Tambe con lo atende cu e aspectonan cu ta relata na e tema aki na un manera mas efectivo y beneficioso pa e paisnan Hulandes den Caribe. Pa loke ta e topico di e geschillenregeling, e concepto final a keda presenta y aproba den e Tripartite. E dicho concepto aki a keda presenta y discuti tambe den e reunionnan di IPKO. Un punto importante cu a resalta den e Tripartite ta, cu e paisnan den reino di e parti Caribense

lo desea di intensiva nan contactonan anual cu otro.

### IPKO

Durante di IPKO tambe a bin diferente puntonan importante dilanti. Di cual mi persona a discuti y elabora principalmente riba e topiconan di educacion y e pasado di sclavitud y colonialismo. Pa loke ta concerni e topico di educacion, mi persona a señala riba dos punto importante pa Aruba. Punto 1 ta e rapport di e Ombudsman di Hulanda caminda ta splica di e situacion di e studiantenan Arubiano compara cu esnan di e islanan BES na Hulanda. Den cual studiantenan Arubiano tin un problema cu ricibi un BSN-nummer mas pronto cu ta posibel pa asina nan por registra na e gemeentenan na Hulanda. Sin e BSN-nummer studiantenan no por haya cas, habri cuenta di banco, etc. Tambe mi a trece dilanti e punto di LVB (Lichtverstandelijke beperking) cu ta hopi importante si Hulanda lo por brinda sosten di experticio riba e

punto aki. Esaki lo por yuda nos hobennan na Aruba y tambe otro islanan tanto den e area di educacion y mantene nan for di cay den man di husticia.

Tambe mi persona elabora riba e tema di e pasado di sclavitud y colonialismo. Pa Aruba (y tambe e otro paisnan den reino), ta importante cu Aruba por haya acceso na e documentonan historico cu ta den archivonan na Hulanda, London, Sevilla y Coro. Cu acceso na e documentonan aki, Aruba por sigui cu su proyecto di digitalisacion di su historia y tambe aporta na e historia y formacion di curiculo di enseñansa mas amplio y concreto den Reino Hulandes.

E reunionnan di Tripartite y IPKO ta y lo keda importante pa fortifica a relacionnan den reino y tambe pa e paisnan por sostene otro y hunto traha na e desaroyo di e ciudadanonan di Reino Hulandes.



*Directora di Avondmavo*

## Stichting Avondonderwijs Aruba ta anuncia e fecha pa e instaptoets di Avondmavo pa aña escolar 2023-2024

**Directiva di Stichting Avondonderwijs Aruba (SAA) kier informa e comunidad di Aruba cu tin e posibilidad pa inscribi pa e instaptoets di Avondmavo te cu dia 14 di maart 2023.**

E instaptoets aki ta pa personanan cu kier inscribi pa aña escolar 2023-2024, pero no ta cumpli cu loke ta wordo rekeri pa por drenta Avondmavo.

Pa mas informacion tocante e exigencianan por consulta e website di Avondmavo: [www.avondmavoaruba.com](http://www.avondmavoaruba.com).



Den caso cu no ta cumpli cu loke ta necesario pero ta desea di inscribi na Avondmavo e ora lo mester participa na e instaptoets. E instaptoets aki ta determina si bo lo por

bin na remarca pa inscribi pa drenta klas 2 di Avondmavo den e aña escolar nobo.

Pa inscribi pa e instaptoets ta rekeri lo siguiente:

Un copia di un ID valido; 25,- florin di inscripcion. E suma aki por wordo paga via banco of via swipe na oficina di Avondmavo. Number di banco: Aruba Bank 6028090190. Please tene na cuenta cu no ta tuma efectivo (cash). Ora di paga via banco nota bo number completo. Inscripcion ta tuma luga via nos website: [www.avondmavoaruba.com](http://www.avondmavoaruba.com)

Tene cuenta cu e inscripcion

ta completo ora tur documento ta uploaded.

E instaptoets mes lo tuma luga dia 22 y 23 di maart 2023 parti mainta. Mester participa na ambos dia pa e instaptoets por ta completo.

Pa cualkier informacion por tuma contacto cu oficina di Avondmavo na telefoon: 583-3779 of via e-mail na [info@avondmavoaruba.com](mailto:info@avondmavoaruba.com)

## Biblioteca Nacional Aruba a ricibi un buki nobo pa mucha

Na Biblioteca Nacional Aruba nan a ricibi un buki pa mucha nobo pa e coleccion nacional for di autora, sra. Olga Buckley. Cu orguyo y un sonrisa sra. Olga a entrega 2 ehemplar di su ultimo publicacion.

'Bons slip' ta un buki pa mucha den dos idioma, publica den dos buki separa. Sra. Olga Buckley a skirbi e buki aki. 'Bons slip' ta un buki pa tur mucha y mayor scucha, lesa y gosa. Louis ta un mucha curioso cu ta gusta e cabey di papi y mami y Louis e ta gusta cu nan ta diferente, e ta gusta cos dushi y holo dushi. Louis ta purba, mishi y mira y ta comparti su experiencia na un manera positivo y gracioso cu e lesado.



Biblioteca tin diferente di Olga su publicacionnan den coleccion. 'Bons slip' ta obtenibel tambe na libreria.

## Ainda tin algun cupo habri pa aplica na Kleuter di SKOA


**SKOA ta informa cu tin algun cupo so habri pa aplicacion pa inscribi muchanan cu ta bay cuminsa kleuter e aña aki.**





















Mayornan cu ta interesa por scoge pa aplica nan yiu(nan) na diferente scol di kleuter cu ta resorta bou di SKOA, por bishita [www.skoa.aw](http://www.skoa.aw) pa haya un bista y mas informacion di e scolnan di kleuter.

Por haci aplicacion pa inscribi na kleuter completamente online via website [www.skoa.aw](http://www.skoa.aw). Por aplica via email na [aplicacion@skoaw.aw](mailto:aplicacion@skoaw.aw). Tambe por aplica via WhatsApp na +297 748 5995. Ora di aplica digital mester manda tur

documentonan cu ta necesario pa asina por cumpli cu e proceso di inscripcion debidamente. Pa mayornan cu ya caba tin yiu inscribi na SKOA por haci aplicacion di e yiu cu ta bay cuminsa kleuter via e sistema di SAS.

Si ta desea mas informacion tocante aplicacion na un scol di kleuter di SKOA por bishita e website [www.skoa.aw](http://www.skoa.aw) of por yama na liña directo +297 523 1800 den orario di oficina. Nos ta recorda mayornan cu ta interesa pa haci aplicacion mas pronto cu ta posibel paso no tin hopi luga mas pa kleuter pa e proximo aña escolar.

Resultado Sorteo maart 8, 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2869	9894	0015	3228
1759	7281	SUPER5	1971
0659	3983	-	3278

MERDIA	ANOCHI		
 Sorteo # 3849 4311 4273 2029  X2  Sorteo # 3849 5123  Sorteo # 1905 2711  Sorteo # 3849 6570 Tauro  Sorteo # 722 298  FP	 Sorteo # 7887 2545 1686 9318  X2  Sorteo # 6931 2753  Sorteo # 1636 1376  Sorteo # 5690 3145 Leo  Sorteo # 620 574  X3	 Sorteo # 2369 0 x Jackpot 0 x Match 4+ 8 x match 4 161 x Afl. 12,00  Sorteo # 6055 0 x Jackpot 4 x Match 4 136 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00  MEGA REUS  Sorteo #	09-21-23-33-34 Joker 18 Letter K Proximo Jackpot 525.000,- 10-17-28-29-30 Proximo Jackpot 54.000,- Mega Ball: Proximo Jackpot 340.000,- Afl. 440.000,- 





## Aurora

### Royal Pray

Funeral Home & Crematory

“Dios ta amor... y amor ta Dios,  
maske mi no ta na e mundo aki, tur dia lo mi ta  
banda di boso Curazon, mi por stens di loke Señor  
ta hasi”  
Salmo 33

Cu inmenso dolor na nos curason, nos ta anuncia  
fayecimento di nos ser stima:



### Elias Vrolijk

Cariñosamente yama “Mo Lio, Elio of Papa  
Bieuw”

\*20-07-1925 - †05-03-2023

Mayornan:

†Alberto y †Inovia Vrolijk-Thiel

Casa: †Isabel Felicia Vrolijk-Roga

Yiunan: †Alejandrino “Alex” Vrolijk

†Ruben Vrolijk

Lucienne Linarez-Vrolijk

Elias “Juni” Vrolijk

Nieto(a)nan: Jodi Josette Vrolijk

Jeshua Linarez

Elias Raul “Tito” Vrolijk

Ryan Vrolijk y Angeline Vrolijk

Alexina Vrolijk

Rumannan: †Justina “Chichi” Maduro-Vrolijk

†Hendrick “Bubu” Vrolijk

†Julieta “Mamai” Kock-Vrolijk

†Maria “Pochi” Lampe-Vrolijk

†Hubertha “Bertha” Vrolijk

†Aquilina “Shon Ina” Gil-Vrolijk

Teresita “Chita” Vrolijk

†Edeltruda “Eddie” Vrolijk

†Nolita Vrolijk

Sobrino(a)nan: †Henry Vrolijk, Filomena

“Mena” Vrolijk, †Nilka Vrolijk, †Juan

Leoncio “Leo” Vrolijk, Madeliene Vrolijk,

Melvin Vrolijk, Sharine Vrolijk, †Glenda

Geerman-Kock, †Maria Filomena “Mechi”

Kock, Esther Kock, Mavis Kock, Lilian Kock,

†Albert Kock, †Emilio Kock, Carmen Leonor

Gil-Vrolijk.

Nuero: Juan Linarez

Nuera: Nancy Vrolijk-Navarro-Osorio

Demas famia: Vrolijk, Thiel, Kock, Leon,  
Maduro, Lacle, Lampe, Rojas, Gil, Geerman,  
Linarez, Navarro-Osorio, Kirpal, Ossman,  
Croes, van der Berg, Bikker, Wernet.

Ta invita tur famia, amigo, bisiña y conócir  
pa asisti na acto di entierro cual lo tuma lugar  
diahuebs 9 di maart 2023 di 2’or pa 4’or  
di atardi na Royal Funeral Home, despues  
saliendo pa Santana Catolico Paradera

## Aurora

### Royal Pray

Funeral Home & Crematory

Jehova es mi Pastor,  
nada me faltará.  
Salmo 23:1

Cu dolor na nos curason, nos ta participa  
fayecimento di nos ser stima:



### Vincente P. Lampe

\*19-07-1949 - †03-03-2023

Na number di su:

Casa: Maria Antonia Lampe

Yiu nan:

Jandor Lampe

Ivelisse Lampe

Evelyn Lampe-Veen

Romer Lampe

Ruman:

Martilia Lampe Curiel

Nuera: Santa Lampe

Nuero: Marcel Veen

Nieto nan: Bryan Veen, Kevin Veen, Lannys  
de Mey, Ismahilyn de Mey, Pamela de Mey,  
Richelisse van den Berg, Stanley Lampe, Perla  
Lampe, Shainy Lampe, Solange Lampe, Kaina  
Lampe, Shandel Lampe, Marianny Lampe, Jader  
Lampe

Demas famia:

Lampe, Curiel, Hernandez, Gonzales, van den  
Berg, de Mey, de Jesus, Veen

Ta invita pa acto di entierro cual lo tuma lugar  
diahuebs 9 di maart 2023 na Royal Funeral  
Home di 9’or pa 11’or di mainta. Despues lo sali  
pa Santana Central Sabana Basora.

Condolencia lo tuma lugar diaranson 8 di maart  
2023 na Royal Funeral Home di 7’or pa 9’or di  
anochi.

Nos disculpa si den nos tristesa nos por a lubida  
algun famia of conócir.



WWW.BONDIA.COM



### Cas Di Cultura

Vondellaan 2 Aruba

297-582-1010

### F A D A

Campanastraat 5 Aruba

297-583-2999

297-583-9610

### F A V I

Primavera 233 Aruba

297-582-5051

297-582-5222

### F E P O

Engelandstraat 15 Aruba

297-583-1016

297-583-6607

### Fundacion Contra

### Violencia Relacional

Tel: 583-5400

### Fundacion Autismo

### Aruba

Irenestraat 21 Aruba

297-588-1179

### Fundacion Pa Nos

### Muchanan

Cumana 2 Aruba

297-583-4247

### Fundacion Tel Pa

### Hubentud

Wilhelminastraat 19

Aruba

297-588-6138

### Koningin Wilhelmina

### Fonds

Spinozastraat 9 Aruba

297-582-0412

### Mary Joan Foundation

Sabana Blanco 8 Aruba

297-588-9999

### Rode Kruis Aruba

Pedro Gallegostraat 14

Tel.297-582-2219

Fax 588-3376

### Famia Planea (SBVO)

Avenida Milio J Croes 17

B Aruba

297-588-9591

www.famiaplanea.org

famiaplanea@hotmail.

com

### Stichting Fundacion

### Guia Mi

George Madurostraat 34

297-582-0088

### Y M C A

Calbasstraat 1 Aruba

297-582-3072

### AL-ANON group

Sabana Liber #8, Noord

(close to the hotels)

Tel: 736-2952 or

593-7081



### Dokter na warda

Oranjestad

Hospital

7:00 pm / 10:00 pm

San Nicolas

Imsan

24 ora

### Botica na warda

Oranjestad:

del Pueblo

Tel. 582 1253

San Nicolas:

San Lucas

Tel. 584 5119

### EMERGENCIA

911

### POLIS

Oranjestad

100

San Nicolas

104

Santa Cruz

105

Noord

107

Tip Line

11141

Brandweer

115

Ambulance

911

Hospital

527-4000

Imsan

524-8833

Warda Costa

913

Seguridad Nacional

11911

Cruz Cora

582-2219

### BOTICA

Aloe

584-4606

4 Centro Medico

584-5794

Central

585-1965

Dakota

588-7364

Del Pueblo

582-1253

Eagle

587-9011

Kibrahacha

583-4908

Maria

585-8145

Di Servicio Noord

586-4606

Oduber

582-1780

Paradera

588-6638

San Lucas

584-5119

San Nicolas

584-5712

Santa Anna

586-8181

Santa Cruz

585-8028

Sero Preto

584-4833

Trupial

583-8560

### UTILIDAD

Setar

117

Web

525-4600

Elmar

523-7147

### FUNERARIA

Aurora

588-6699

Royal Funeral H.

586-4444

Ad Patres

584-2299

Olive Tree

584-8888

## Servicio di Taxi

### Aruba Transfer Tour & Taxi C.A.

Tel: 582 2116 /582 2010

### Taxi Adres Services (24h)

Tel. 587 5900

### A1 Taxi Services Aruba

Tel: 587-8850

Tel: 280-2828

Whatsapp: 592-7024



## Aurora

### Royal Pray

Funeral Home & Crematory

"My flesh and my heart  
May fail, but God is the  
Strength of my heart and  
My portion forever."  
Psalm 73:26

We announce the passing of:



**Nilo Orbase Grajo**  
\*02-09-1962 - †06-03-2023

Left to mourn are his:

Wife: Janet Grajo  
Children: Abegail Janil van der Velden  
Christopher Neil Grajo  
Son in law: Tony van der Velden  
Siblings: Myrna Hernando  
Noli Grajo Jr.  
Eddie Grajo  
Edwin Grajo  
Sister-in-law: Bhing Cabudol  
Blessie Grajo

Opportunity for condolences: Wednesday, March 8, and Thursday, March 9, 2023, at Aurora Funeral Home from 07:00 to 09:00 pm

Cremation will take place on Friday, March 10, 2023, at Aurora Funeral Home from 10:00 to 11:00 am.

## Aurora

### Royal Pray

Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.  
Cado Wever.



Cu profundo tristeza nos ta anuncia cu a fayece:

**Rey Tromp**  
\*28-10-1951 - †26-02-2023

Na number di su:

Esposa: Maria Ramona Reyes  
Yiu di criansa: Jaquelis Cacillas  
Rumannan: Casimiro Tromp

Cristina Tromp  
Filomena Tromp  
Sobrin(a)nan: Eric Tromp

Sussy Lacle  
Carlina Ortega  
Israel Ortega  
Xiemen Ortega  
Sarah  
Sharuska  
Miriam Tromp

Bisñanan Stima: Linda, Gerlin y Maria

Demas famia, su amigonan di Madiki, primo(a)nan y tur famia Tromp  
Despensa nos si den nos tristeza nos por a lubida un of otro persona  
Ta invita demas famia, bisña, amigo- y conocirnan, pa e acto di despedida cual lo tuma lugar Diabierna 10 di maart 2023, for 2 or pa 4 or di atardi na Aurora Funeral Home. Cremacion lo tuma lugar den seno familiar.  
Ta lamenta cu despues di despedida no ta ricibi bishita di condolencia na cas.

## Aurora

### Royal Pray

Funeral Home & Crematory

Jehová es mi pastor, nada me faltara.  
Salmo 23:1

Nos ta anuncia fayecimento di



**Hilario Dijkhoff**  
14 januari 1944 – 5 maart 2023  
"mihor conoci como Jay"

Na number di su:

Esposa: †Mercedes Dijkhoff-Sanchez

Yiunan: Carlos Alberto Dijkhoff  
Marianela Dijkhoff & Naichel Scharbaai

Nieto(a)nan: Sebastian & Soraya, Brandon, Gabriela & Miguel, Thiara & Claymore, Daniëlla, Aaliyah

Bisnietonan: Louay, Nadinah

Rumannan: † Nicolaas Dijkhoff & Wica  
† Venancio & † Maria Dijkhoff  
Gumersindo & Annie Dijkhoff  
† Bertha Dijkhoff  
Benvenuta Y Canisio Di Vecchia  
Novito Dijkhoff  
Angel & Groxi Dijkhoff  
Violanda & † Nelson Lampe  
Edwin & Dora Dijkhoff  
Margarita & Harrie Aalders

Sobrin(a)nan: Primo & primanan

Mescos cu famia: Gerardo & Lucina Perez, Jose Comas y famia

Bisnietonan: Famia Wiersma, Famia Zhen, Famia Martinez

Demas famia y conocir: Dijkhoff, Sanchez, Galan Salamanca, Lobaton Fuchs, Scharbaai, Maduro, Lacle, Maria, Lampe, Geerman, Di Vecchia, Erasmus, Goitia, Gomez, Saitch, Martinez, Soto, Comas, Perez, Benavidez, Kelly, Villegas, Krozendijk, Dirks, Su rumannan Testigo di Jehova.

ta invita pa acto di condolencia cu lo tuma lugar diabierna 10 di maart 2023 na Aurora di 7or pa 9or di anochi.

Acto di entierro lo tuma lugar diasabra 11 di maart na Salon di Reino di testigo di Jehova na Bubali 5F di 2or pa 4or di atardi y despues lo sali bai pa santana central na Sabana Basora.

Despensa nos si den nos tristeza nos por a luibida un of otro persona.  
Despues di despedida nos no ta ricibi bishita na cas.

## Aurora

### Royal Pray

Funeral Home & Crematory

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Nos ta anuncia fayecimento di:



**Manuel Goncalves Norberto**  
\*09 maart 1929 Madeira +25 Februari 2023 Aruba

Na number di su:

Esposa: †Nueva Norberto-Rasmijn

Yiunan:  
†Manuel Juan Benjamin Norberto  
Maria Elizabeth Norberto  
†Maria Angelina Norberto  
Jose Pedro y Eliana Norberto-Teles  
Jose Fernando y Loraine Norberto-Tromp

Nieto(a)nan:  
Ivo Valdes y Nathalie Kreekel  
Raymond Valdes y Stephanie Donata  
Sarah Norberto na Brasil  
Pedro Norberto na Brasil  
Isabella Norberto  
Carolyn Norberto

Bisniet(a)nan:  
Lincoln y Myleight Valdes

Rumannan:  
†Maria Angelina Gonçalves na Brasil  
†Jose Antônio y Vera Gonçalves Norberto y Famia na Brasil  
†Maria Isabel Norberto y Famia na Brasil  
†Maria Rosa Norberto y Famia na Brasil  
†Maria Alda Norberto y Famia na Brasil  
Maria Martha Norberto y famia na Brasil  
Sobrin(a)nan: na Aruba y na Brasil

Swa y cuñanan:  
Ica Rasmijn y Famia na Hulanda  
†Jose Rasmijn Y Famia  
†Alberto Rasmijn y Famia  
Emerita Rasmijn y Famia  
Felix Rasmijn y Famia na Corsow  
Dilia Rasmijn y Famia  
†Jet Rasmijn y Famia  
Pedro Rasmijn y Famia

Amigo di cas: Carlito Weller

amigo y amiganan y conocirnan di Fundação Social Cultural Portuguesa  
Tur cu a cuide na Cas Cristella

Demas famia: Norberto, Rasmijn, Valdes, Teles, Tromp, Kreekel, Donata, De Cuba, Jansen, Filiciana, De Veer, Van der Biezen, Weller, Winterdaal, Shada, Maduro, Kock, Ras y van der Linden

Despensa nos si den nos tristeza nos por a lubida un of otro persona

Ta invita pa e acto di despedida cu lo tuma lugar diahuebs 9 di maart 2023 na Aurora Funeral Home di 9:00 pa 11:00 di mainta, sigi pa e acto di cremacion.



## Aurora

### Royal Pray

Funeral Home & Crematory

“the Lord gave and the Lord has taken away; blessed be the name of the Lord” (Job 1:21)

With Saddened And Grateful Hearts, We Announce The Death Of:



### Roland Tennyson Wilson

Also Known As “Captain” Or “Roly-Poly”  
\*06 September 1941----† 04 March 2023

Circling searchingly in the waters of this world in motor merchantships; Navigating the seas of happiness through sharing lasting friendships; Piloting all my being's vessels within caring memories of beloveds; Fastening moorings steadily alongside even distant ports in the afternow

#### Children:

Rauru Wilson & Family (Norway)  
Stefanie Johansson (Norway)  
Janice Wilson (Aruba)

#### Siblings:

Joan Wilson (Aruba)  
Cornelius Wilson (Netherlands)  
Sandra Wilson & Family (Aruba)  
Norman Wilson (Deceased) Bonaire  
Glenn Wilson (Deceased) Aruba

#### Grandchildren:

Theodor, Selma & Aaron Wilson (Norway)

#### Nieces & Nephews:

Guiletta Herold-Wilson & Family (Usa)  
Efia Scuotto-Luis & Family (Curaçao)  
Fedor Wilson & Family (Grenada/Usa)  
Malcolm Wilson (Bonaire)  
Lloyd Wilson & Family (Netherlands)  
Henri Wilson & Family (Aruba)

#### In-Laws:

Marjolein Wilson-Finies

. Direct & Extended Families: Wilson, Euson, Jones, , Marsden, McDonald, Brooks, Tarr, Berkel, Connor, Martijn, Royer, Granger, Van Aanholt, Maxwell, Warner, Richardson, Bosch, Weberstadt, Welles, Coffie, Trieu, Van Veen, Van Putten, Viaprec-Mars, Finies, Bes, Frans, De Wolff, Thode

Close Friends, Ex-Colleagues And Other Dear Ones: In Aruba, Boneiru, Korsou, St Maarten, Statia, Saba, The United States Of America, Grenada, Jamaica, The Netherlands, The United Kingdom, Norway And Australia.

Most Sincere Apologies To Anyone Inadvertently Omitted Hereabove.

Gratitude To All Who Assisted In Making This Stage Of Roland's Life As Comfortable Possible.

Ceremonies Allowing Taking Leave Of The Deceased And Offering Of Condolences, Followed By Cremation, Will Take Place At Pray Funeral Home, San Nicolas, From 09:00 To 11:00 Hrs. On Saturday 11 March 2023.

Regretfully No Other Opportunities For Condolences Will Be Possible..

## Aurora

### Royal Pray

Funeral Home & Crematory

Cu profundo tristesa pero conforme cu boluntad di Dios nos ta anuncia fayecimento di:



### Catharina Eugenia Lopez

\*04 September 1926 - †04 Maart 2023

#### Na number di su:

Rumannan:  
Helena Lopez  
Mercelina Tromp Lopez  
Pascualita Lopez

#### Subrino manera yiu:

David Abello Lopez & Yuliet Abello Lopez

#### Subrinonan:

Teofilo “Tito” Tromp y famia  
Luis “Luwi” Enrique y famia  
Roberto “Betto” Carlos Tromp y famia  
Justo Lopez y famia  
Regina Schwengle  
Helena Lopez y famia  
Eugenia Lopez y famia  
Manuel Lopez y famia  
Marva Lopez y famia  
Damasco Lopez y famia  
Iris Lopez y famia  
Zulma Lopez y famia  
Soraida Chirino y famia  
Rubin Lopez y famia  
Salvador Lopez y famia  
Linda Koolman y famia  
Robby Koolman y famia  
Lucia Tromp Wever y famia  
Shon Pe Wever y famia  
Rita Wever y famia  
Rosa Dania Wever y famia  
Elizabeth Wever y famia  
Roy Wever y famia  
Angely Cruz Wever y famia

#### Amistadnan stima di cas:

Chela Geerman  
Filomeno “Meno” Wever  
Fillomena Wever  
Lucia Wever  
Marvis Ridderstap Wever

Cu un gradicimento inmenso na Tito Tromp pa cu a yuda na su ultimo momentonan

Kier a invita tur conocir pa e acto di despedida cual lo tuma lugar diabierna 10 di Maart di 9or pa 11or di mainta na Pray Funeral Home San Nicolaas sigi pa cremacion.

## Aurora

### Royal Pray

Funeral Home & Crematory

“Señor bo ta mi fortaleza  
Señor ta mi barranca, mi forti  
Doño dimi alma  
Di ken lo mi tin miedo?”

Cu dolor na nos curason, nos ta anuncia fayecimento di:



### Sra. Elvira Felepina Oduber

Cariñosamente yama “Tante E of Nani”  
\*09-09-1950 - †05-03-2023

#### Na number di su yiu:

Zahaira Arends

#### Nieta:

Zoë Arends

#### Su rumannan:

Joseph (Freddy) Oduber  
Clemente y Barbara Oduber  
Walter y Yomaira Oduber  
Oswald (Chin) y Mervelin Oduber  
Nelson y Glenda Oduber  
Mirtha Oduber  
Franklin (Kenky) y Margareth Oduber  
Charles (Chali) y Yolanda Oduber  
Ruben Oduber  
Adelaida Oduber  
Nilo (Gachi) y Grisela Oduber  
Mary Oduber

#### Subrina(o)nan y famia:

Charles, Kenky, Rosie, Giovanni, Jowalt, Walmaira, Oslin, Jean-Pierre, Guiselaine, Glenson, Danguì, Nelson Jr, Daniel, Charlene, Charleson, Jeanne-Marie, Fedor, Dara, Zane, Lionel y Jouselle

Cuido: Dr. Singh, Lola Geerman, Sandra Koolman, Soraya Maduro, Marlon Thode, Rosa Arends y Alicia

#### Famianan:

Oduber, Arends, Croes, Jonkhout, Yarazaray, Johnson, Danies, Solognier, Bernstein, Kelly, Palfit, Alberts, Spellen, Legito, Arias-Navarro, Faarup, Maduro, Bislik, Rasmijn, Donata, Vlajic, De Ponte, Gharib, Inocencia, Toppenberg y demas famia

Ta invita pa acto di condolencia y despedida cual lo tuma lugar na Aurora Funeral Home diahuebs 9 di maart 2023 di 1'or pa 4'or di atardi. Cremacion lo tuma lugar despues den seno familiar.


Despensa nos si den nos tristeza nos por lubida un of otro famia

Disculpa nos pero despues di despedida nos no ta ricibi condelencia na cas

Embes di flor of krans lo tin un box disponibel di Koningin Wilhelmina Kankerfonds



## Alemania cauteloso riba reportahenan di atake riba tubería Nord Stream



(AP) — **Minister di Defensa Aleman a expresa cuatela ayera pa cu reportahenan den medionan di comunicacion cu un grupo pro-Ucrania tabata involucra den rementa e tuberianan di gas Nord Stream den Lama Baltico aña pasa.**

Corant Aleman, Die Zeit y canalnan local ARD y SWR a reporta diamars cu investigadornan a logra reconstrui en gran parti con a sabotia

e tuberianan for di Rusia pa Alemania riba e anochi di 26 di september, 2022.

Citando varios oficial anonimo, e noticieronan a reporta cu cinco homber y un muhe a usa un yate contrata pa un compania Ucrainiano na Polonia pa checuta e atake. Fiscalnan federal Aleman a confirma cu a lista e boto na januari.

The New York Times tambe a reporta cu oficialnan Meri-

cano a revisa inteligencia sugeriendo cu un grupo pro-Ucrania tabata tras di e atakenan. Gobierno Ucrainiano a rechasa cualkier involucramiento.

Minister di Defensa Aleman, Boris Pistorius a bisa cu el a lesa e reportahenan den noticia “cu gran interes” pero a adverti contra conclusionnan pura. El a bisa cu mester diferencia si tabata un grupo Ucrainiano actuando riba orden di Ucrania of sin cono-

cemento di gobierno.

Papiando banda di un reunion di ministernan di Defensa di Union Europeo, Pistorius a bisa cu algun experto tambe a presenta e posibilidad di un operacion asina-yama “false flag” di un grupo pretendiendo di ta Ucrainiano.

Contestando si e reportahenan lo por socava sosten occidental pa Ucrania, Pistorius a bisa cu e ta preferi di responde unabes cu e haya informacion confiable. “Cualkier otro cos ta hipotetico,” el a agrega.

Segun e reportahenan den medionan Aleman, e sospechosonan a usa paspoortnan falso na momento di huur e boto, cual a sali for di puerto Aleman di Rostock. Un capitan, dos buceado, dos asistent di buceo y un dokter tabata conforma e grupo, segun ARD.

Oficina di fiscal federal Aleman a nenga di comenta directamente riba e reportahenan. Pero si a confirma cu investigadornan a haci un inval diano 18-20 di januari “en conexion cu un huur sospechoso di un boto.” “Tin sospecha cu e boto en cues-

tion por tabata pa transporta aparatonan explosivo cu a rementa dia 26 di september 2022 riba e tuberianan Nord Stream 1 y Nord Stream 2,” e oficina di fiscal a bisa den un e-mail na AP. “E identidad di esnan cu a comete e acto y nan motibonan ta suheto di investigacionnan andando,” a agrega. “Na e momento aki no ta posible pa duna ningun declaracion confiable riba esaki, en particular riba e cuestion di control di estado.”

Vocero di Kremlin, Dmitry Peskov ayera a describi e reportahenan noticiero acusando involucramento Ucrainiano den e explosionnan di Nord Stream como un manipulacion coordina destina pa tapa e organisadornan di e atake. “E cerebronan tras di e atake terorista claramente kier distrae atencion,” Peskov a bisa den comentarionan publica pa agencia noticiero RIA Novosti. Presidente Ruso, Vladimir Putin y su oficialnan a acusa Merca di e explosionnan di e tubería, cual nan ta describi como un atake terorista. Peskov a reitera cu ta nenga Rusia acceso na evidencia di e investigacion. El a haci un yamado pa un investigacion internacional transparente.

## Hunta nobo pa Disney World di DeSantis ta insinua controversia den futuro

(AP) — **E prome reunion di e hunta nobo di gobierno di Walt Disney World – remodela pa legislacion amplio firma pa gobernador Republicano, Ron DeSantis a trata cu e sorto di asunto cu cualkier gobierno municipal lo trata: yamado pa miho ekipo pa bombero, les riba solicitud di documentonan publico, y rating di bono.**

Pero e cinco miembro di e hunta nombra pa DeSantis a insinua ayera riba accionnan controversial cu nan por tuma den futuro, incluyendo prohibicion di restriccinnan di Covid-19 na Disney World y recomienda eliminacion di dos ciudad cu a keda crea despues cu e Legislatura di Florida na 1967 a aproba e autonomia di e parke resort.

E hunta tambe a aproba pa contrata e mesun bufete legal cu a conseha e oficina di e gobernador pa haci cambio



na e distrito pa yuda interpreta e legislacion nobo.

Den su mayoria, e miembronan nobo di e hunta a scucha den un ballroom di un hotel pafo di Disney World mientras miembronan di e publico y trahadornan di departamentonan di e distrito

a splica kico nan ta haci.

Martin Garcia, e presidente nobo di e hunta, a bisa cu e mayor distincion entre e hunta anterior controla pa Disney y esun nobo nombra pa DeSantis ta bay ta un distrito electoral mas amplio consistiendo di mas cu un

solo compania, representando na su lugar tambe e trahador y residentenan di comunidadnan rond di dje.

“Boso no a eligi nos, pero pueblo di Florida a eligi un gobernador cu a nombra nos,” Garcia a bisa. “Mi ta mira cu ta bay tin representacion hopi mas amplio.”

E otro miembronan di e hunta nobo pa loke a keda batista como e Distrito di Supervision di Turismo di Central Florida ta inclui Bridget Ziegler, un miembro conservador di hunta escolar y esposa di presidente di partido Republicano na Florida, Christian Ziegler; Brian Aungst Jr., un abogado y yiu di ex-alcalde Republicano di Clearwater; Mike Sasso, un abogado; y Ron Peri, cabesante di ministerio The Gathering USA. Nan ta reemplasa e hunta cu tabata controla pa Disney durante e 55 aña anterior cu gobierno a opera como e Distrito di Mehoracion Reedy Creek.

E cambio nobo ta bay rekeri un logo nobo pa reemplasa esun bieu cu ta riba 123 vehiculo, 300 bar'i sushi y e mil cobertura di pozo, segun administrador di e distrito, John Classe a bisa e hunta.